

可部有切說本

C40
4514
121



789101234567892012345678930123456

C40-4614

了翁上座請大藏及百
家書置之寶林慈雲山
找微笑塔院廬中永
為學者不敢許出院內
當十二世鐵牛機謹誌



B 64853



789101112131415161718192011213141516171819301121314151617181931

皇圖鞏固 帝衡遐昌
佛日增輝 潛輪常轉



根本說一切有部百一羯磨卷第一

唐三藏法師義淨奉制譯

爾時薄伽梵在室羅伐城逝多林給孤獨園告諸苾
芻曰從今已去汝諸苾芻凡有來求善說法律情樂
出家及受近圓者阿遮利耶鄖波馱耶應與出家及
受近圓時諸苾芻不知有幾阿遮利耶幾鄖波馱耶
佛言有五種阿遮利耶二種鄖波馱耶云何五種阿
遮利耶一十戒阿遮利耶二屏教阿遮利耶三羯磨
阿遮利耶四依止阿遮利耶五敎讀阿遮利耶何謂
十戒阿遮利耶謂授三歸及十學處何謂屏教阿遮

利耶謂於屏處檢問障法何謂羯磨阿遮利耶謂作
白四羯磨何謂依止阿遮利耶謂下至一宿依止而
住何謂教讀阿遮利耶謂教讀誦乃至四句伽陀何
謂二種鄒波馱耶一者與其剃髮出家受十學處二
者與受近圓如世尊言其親教師等當與出家受戒
及受近圓者諸苾芻不知云何當與出家近圓佛言
凡有欲求出家者隨情詣一師處師卽應問所有障
法若遍淨者隨意攝受已授與三歸并五學處成鄒
波索迦律儀護此言譏者梵云三跋羅譯爲擁護出
受歸戒護使不落三塗梵云律儀式若但云護恐學者未詳
當義譯云是律法儀式若但云護恐學者未詳乃
故兩俱存明了論已譯爲護卽是戒體無表色

如是應授先教求出家者令禮敬已在本師前蹲踞
合掌教作是語阿遮利耶存念我某甲始從今日乃
至命存歸依佛陀兩足中尊歸依達摩離欲中尊歸
依僧伽諸衆中尊如是三說師云奧筭迦譯云好或
方便義由此聖教爲善方便能趣涅槃至安隱處答云娑度譯爲善凡是作
白事皆如是作若不說者得越法罪梵漢任說
已下諸文但云好善皆可準此或云後語同前

次授五學處教云汝隨我語準如聖教及以相承並悉隨
師說受戒語無有師說直問能不戒事非
輕無容造次阿遮利耶存念如諸聖阿羅漢乃至命
存不殺生不偷盜不欲邪行不虛誑語不飲諸酒我
某甲始從今日乃至命存不殺生不偷盜不欲邪行

889101234567892012345678930123456

不虛誑語不飲諸酒亦如是此卽是我五支學處是
諸聖阿羅漢之所學處我當隨學隨作隨持如是三
說願阿遮利耶證知我是鄒波索迦歸依三寶受五
學處師云好答云善次請鄒波駄耶譯爲親教師言
和尚者乃是西
方時俗語非是典語然諸經律梵本皆云鄒波駄耶
念我某甲今請阿遮利耶爲鄒波駄耶願阿遮利耶
爲我作鄒波駄耶由阿遮利耶爲鄒波駄耶故我當
出家如是三說後語同前至第三番應言由鄒波駄
耶爲鄒波駄耶故由近師位故重言耳次請一苾芻爲白衆者
彼應問本師云所有障法並已問未答言已問若問

者善若不問而白者得越法罪

次爲白衆一切僧伽當須盡集或巡房告知次將至
衆中致禮敬已在上座前蹲踞合掌作如是語大德
僧伽聽此某甲從苾芻某甲希求出家在俗白衣未
落鬚髮願於善說法律出家近圓成苾芻性此某甲
若剃鬚髮被法服已起正信心捨家趣非家某甲爲
鄒波駄耶僧伽爲與某甲出家不此乃事不是以言白
衆咸言若遍淨者應與出家俱問者善如不問者得
越法罪

次爲請苾芻看剃髮者彼便盡剃其人後悔佛言應

10 9 8 7 6 5 4 3 2 1

20

30

40

卷

本末說一
刀剪布百
勸善錄第一

二

比

留頂上少髮問曰除爾頂髮不若言不者應言隨汝意去若言除者應可剃除次與洗浴若寒與湯熱授冷水次與著裙當須檢察恐是無根二根及根不全爲時有苾芻露形檢察彼生愧恥佛言不應露體而爲檢察爲著裙時應可私視勿令彼覺次授綬條教其頂受爲著衣已師應爲請苾芻與受求寂律儀護者教禮敬已應在二師前蹲踞合掌教作是語二師可相
近坐令弟子執親教師架阿遮利耶存念我某甲始從今日乃至命存歸依佛陀兩足中尊歸依達摩離欲中尊歸依僧伽諸衆中尊彼薄伽梵釋迦牟尼釋

迦師子釋迦大王如知應正等覺彼既出家我當隨出在俗容儀我已弃捨出家形相我今受持我因事至說親教師名親教師名某甲如是三說師云好答云善次授十學處教云汝隨我語阿遮利耶存念如諸聖阿羅漢乃至命存不殺生不偷盜不婬欲不虛誑語不飲諸酒不歌舞作樂不香鬘塗彩不坐高牀太牀不非時食不受畜金銀我某甲始從今日乃至命存不殺生不偷盜不婬欲不虛誑語不飲諸酒不歌舞作樂不香鬘塗彩不坐高牀太牀不非時食不受畜金銀亦如是此卽是我十支學處是諸聖阿羅

10 11 12 13 14 15 16 17 18 19

20 21 22 23 24 25 26 27 28 29

30 31 32 33 34 35 36 37 38 39

40 41 42 43 44 45 46 47 48 49

行

婆譯爲衣內

我今守持已作成衣是所受用如是三說後語同前若是未浣染未割截物若絹若布權充衣數

者應如是守持鄖波馱耶存念我某甲此衣我今守持當作九條僧伽胝衣兩長一短若無障難我當浣染割截縫刺是所受用如是三說後語同前餘衣準此所著衣法式如尼五衣中具註次可擎鉢總呈大衆恐太小太
大及白色等若是好者次衆咸云好鉢若不言者得越法罪然後守持應置左手張右手掩鉢口上教云鄖波馱耶存念我某甲此波怛羅是大仙器是乞食器我今守持常用食故如是三說後語同前

次應安在見處離聞處教其一心合掌向衆虔誠而立其羯磨師應問衆中誰先受請當於屏處教示某甲彼受請者答云我某甲次問汝某甲能於屏處教示某甲某甲爲鄖波馱耶不彼應答言我能次羯磨師應作單白大德僧伽聽此苾芻某甲能於屏處教示某甲某甲爲鄖波馱耶若僧伽時至聽者僧伽應許僧伽今差苾芻某甲作屏教師當於屏處教示某甲某甲爲鄖波馱耶白如是次屏教師將至屏處教禮敬已蹲踞合掌作如是語具壽汝聽此是汝真誠時實語時我今少有問汝汝應以無畏心若有言有

若無言無不得虛誑語汝是丈夫不答言是汝年滿二十未答言滿汝三衣鉢具不答言具汝父母在不若言在在者聽汝出家不答言聽若言死更不須問汝非奴不汝非王臣不汝非王家毒害人不汝非賊不汝非黃門不汝非汙苾芻尼不汝非殺父不汝非殺母不汝非殺阿羅漢不汝非破和合僧伽不汝非惡心出佛身血不汝非外道不現是汝非趣外道不外道汝非不共住不重人汝非化人不汝非負債不若言有者應可問言汝能受近圓已還彼債不言能者善若言不可

能者汝可問彼許者方來汝非先出家不若言不者善如言我曾出家者汝不於四他勝中隨有犯不汝歸俗時善捨學處不答言犯重隨汝意去若言無犯者善問言汝名字何我名某甲汝鄖波馱耶字何答云我因事至說鄖波馱耶名鄖波馱耶名某甲又汝應聽丈夫身中有如是病謂癩病登病癬疥疮皮白癰瘍頭上無髮惡瘡下漏諸塊水腫欬癥喘氣咽喉乾燥閼風癲狂形無血色噎噦嘔逆諸痔麻瀝瘻脚吐血癰瘻下痢壯熱脅痛骨節煩疼及諸瘧病風黃痰瘻總集三病常熱病鬼病聾盲瘡瘻短小瘞竇

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

肢節不具汝無如是諸病及餘病不答言無汝某甲
聽如我今於屏處問汝然諸苾芻於大衆中亦當問
汝汝於彼處以無畏心若有言有若無言無還應實
答汝且住此未喚莫來其師前行半路向衆而立應
作是語大德僧伽聽彼某甲我於屏處已正教示問
其障法某甲爲鄖波馱耶爲聽來不合衆咸言若遍
淨者應可喚來咸言者善如不言者犯越法罪五天安在寺中閑處但唯方丈四邊輒壘可高二尺內邊基高五十僧於上坐中有小制底高與人齊傍閑小門得容出入其求受戒人立在壇外其屏教師於屏處問不令衆見不同此方皆在戒場內令衆共觀此卽全乖隱屏之義既問障法已可教其人別立壇外師卽前行半路遙白衆知此是言白元非羯磨西方

親見其事聞者勿致疑情應遙喚來既至衆中令於上座前蹲踞

合掌致禮敬已乞受近圓教作是語

大德僧伽聽我某甲今因事至說鄖波馱耶名我從
鄖波馱耶某甲求受近圓我某甲今從僧伽乞受近
圓我因事至說鄖波馱耶名某甲爲鄖波馱耶願大
德僧伽授我近圓攝受拔濟我教示哀愍我是能愍
者願哀愍故如是三說

次令至羯磨師前若以輒或以物裹草稜支雙足跟
十指踞地蹲踞合掌其羯磨師應作單白問其障法
大德僧伽聽此某甲從鄖波馱耶某甲求受近圓此

10 11 12 13 14 15 16 17 18 19 20 21 22 23 24 25 26 27 28 29 30

卷

法華經一七有部百一難解卷第一

八

北

某甲今從僧伽乞受近圓某甲爲鄖波駛耶若僧伽時至聽者僧伽應許我於衆中檢問某甲所有障法某甲爲鄖波駛耶白如是次問障法如上應知

次作白四羯磨

大德僧伽聽此某甲從鄖波駛耶某甲求受近圓是丈夫年滿二十三衣鉢具某甲自言遍淨無諸障法此某甲今從僧伽乞受近圓某甲爲鄖波駛耶若僧伽時至聽者僧伽應許僧伽今與某甲受近圓某甲爲鄖波駛耶白如是

次作羯磨

大德僧伽聽此某甲從鄖波駛耶某甲求受近圓是丈夫年滿二十三衣鉢具某甲自言遍淨無諸障法此某甲今從僧伽乞受近圓某甲爲鄖波駛耶僧伽今與某甲受近圓某甲爲鄖波駛耶若諸具壽聽與某甲受近圓某甲爲鄖波駛耶者默然若不許者說此是初羯磨如是三說僧伽已與某甲受近圓某甲爲鄖波駛耶竟僧伽已聽許由某默然故我今如是持作法了時卽應量影苾芻足度其影便過佛言應作

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

桂林譜一七有部育一難解初第

九

此

商矩度之彼皆不解何謂商矩佛言可取細籌長二尺許折一頭四指豎置日中度影長短是謂商矩一商矩所量之影皆悉名爲一人此影纔長齊四指時看自身影與身相似若有增減準此應思故僧祇律云一
人二人影者比量影訖時應告彼云汝在食前近圓來人皆不識

或在食後影長爾許若一指二指一人半人二人三人等如其在夜或是晝陰即可準酌告之謂是初更夜半乃至天明等次後宜應告知時節差別彼皆不知時節有幾佛言有五時差別一冬時二春時三雨時四終時五長時言冬時者有四月謂從九月十六

日至正月十五日言春時者亦有四月謂從正月十六日至五月十五日言雨時者有一月謂從五月十七日至六月十五日言終時者謂六月十六日一日一夜是言長時者有三月欠一日一夜謂從六月十七日至九月十五日此是西方衆僧要法若不解者即非苾芻但爲比來未翻致今聞者不悟此謂佛家密教與俗有殊若至西國他問不知人皆見笑不同支那記月而已

次當爲說四依法

汝某甲聽此四依法是諸世尊如知應正等覺所知所見爲諸苾芻受近圓者說是依法所謂依此善說法律出家近圓成苾芻性云何爲四汝某甲聽一糞

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

行

一
標本詩一
七言詩一
對聯詩一

此

掃衣是清淨物易可求得苾芻依此於善法律出家
 近圓成苾芻性汝某甲始從今日乃至命存用糞掃
 衣而自支濟生欣樂不答言欣樂若得長利純絹縵
 條小帔大帔輕紗紵布或諸雜物若更得清淨衣若
 從衆得若從別人得汝於斯等隨可受之知量受用
 不答言受用汝某甲聽二常乞食是清淨食易可求
 得苾芻依此於善法律出家近圓成苾芻性汝某甲
 始從今日乃至命存以常乞食而自支濟生欣樂不
 答言欣樂若得長利飯粥飲等若僧次請食若別請
 食若僧常食若常別施食

梵云泥得譯爲常施有別施主施僧錢物作無盡食

每日次第令僧家作好食以供一人乃至有日月來不許斷絕西方在寺多有此他人不知聞若不能作食供乳

八日十四日十五日食若更得清淨食若從衆得若從別人得汝於斯等隨可受之知量受用不答言受用汝某甲聽三樹下敷具是清淨物易可求得苾芻依此於善法律出家近圓成苾芻性汝某甲始從今日乃至命存於樹下敷具而自支濟生欣樂不答言欣樂若得長利房舍樓閣或居次窟草苦板覆堪得經行若更得清淨處所若從衆得若從別人得汝於斯等隨可受之知量受用不答言受用汝某甲聽四陳棄藥是清淨物易可求得苾芻依此於善

律

卷之二十一

上

南和

10 9 8 7 6 5 4 3 2 1

卷

標本詩一七有聲第一

北

法律出家近圓成苾芻性汝某甲始從今日乃至命存用陳棄藥而自支濟生欣樂不答言欣樂若得長利蘇油糖蜜根莖枝葉華果等藥時及更藥七日盡壽若更得清淨藥若從衆得若從別人得汝於斯等隨可受之知量受用不答言受用

次說四墮落法

汝某甲聽有此四法是諸世尊如知應正等覺所知所見爲諸苾芻受近圓者說墮落法苾芻於此四中隨一一事若有犯者隨當犯時便非苾芻非沙門非釋迦子失苾芻性此便墮落斷沒輪迴爲他所勝不

可重收譬如斬截多羅樹頭更不能生增長高大苾芻亦爾云何爲四汝某甲聽是諸世尊如知應正等覺所知所見以無量門毀諸欲法說欲是染欲是潤澤欲是愛著欲是居家欲是羈絆欲是耽樂是可斷除是可吐盡可厭息滅是冥闇事汝某甲始從今日不應輒以染心視諸女人何況共行不淨行事具壽如世尊說若復苾芻與諸苾芻同得學處不捨學處學羸不自說作不淨行兩交會法乃至共旁生於如是事苾芻犯者隨當作時便非苾芻非沙門非釋迦子失苾芻性此便墮落斷沒輪迴爲他所勝不可重

收汝從今日於此欲法不應故犯當生獸離殷重防
護起怖畏心諦察勤修作不放逸汝於是事能不作
不答言不作汝某甲聽是諸世尊如知應正等覺所
知所見以無量門毀不與取離不與取稱揚讚歎是
勝妙事汝某甲始從今日乃至麻糠他不與物不以
貪心而故竊取何況五磨灑若過五磨灑西方檢問
諸部律中
皆同此名斷其重罪不云五錢此是貝齒許八十箇
各一磨灑大數總有四百貝齒一時離處方是犯盜
元不據錢各若譯爲五錢者全乖小文故存梵語通塞廣如餘說
具壽如世尊說若是盜時若王若大臣若捉若殺若縛驅擯若呵責言復苾芻若在聚落若空閑處他不與物以盜心取如

咄男子汝是賊癡無所知作如是盜於如是事苾芻犯者隨當作時便非苾芻非沙門非釋迦子失苾芻性此便墮落斷沒輪迴爲他所勝不可重收汝從今日於此盜法不得故犯當生厭離殷重防護起怖畏心諦察勤修作不放逸汝於是事能不作不答言不作汝某甲聽是諸世尊如知應正等覺所知所見以無量門毀於害命於離害命稱揚讚歎是勝妙事汝某甲始從今日乃至蚊蟻不應故心而斷其命何況於人若人胎具壽如世尊說若復苾芻若人若人胎故自手斷其命或持刀授與或自持刀或求持刀者

若勸死讚死語言咄男子何用此罪累不淨惡活爲汝今寧死死勝生隨自心念以餘言說勸讚令死彼因死者於如是事苾芻犯者隨當作時便非苾芻非沙門非釋迦子失苾芻性此便墮落斷沒輪迴爲他所勝不可重收汝從今日於此殺法不得故犯當生獸離殷重防護諦察勤修行不放逸汝於是事能不作不答言不作汝某甲聽是諸世尊如知應正等覺所知所見以無量門毀於妄語於離妄語稱揚讚歎是勝妙事汝某甲始從今日乃至戲笑不應故心而爲妄語何況實無上人法說言已有具壽如世尊說若復苾芻實無知無遍知自知不得上人法寂靜聖者殊勝證悟智見安樂住而言我知我見彼於異時若問若不問欲自清淨故作如是說我實不知不見言知言見虛誑妄語除增上慢或言我證四諦理或言天龍鬼神來共我語得無常等想得四禪四空六神通八解脫證四聖果於如是事苾芻犯者隨當作時便非苾芻非沙門非釋迦子失苾芻性此便墮落斷沒輪迴爲他所勝不可重收汝從今日於妄語法不得故犯當生獸離殷重防護諦察勤修作不放逸汝於是事能不作不答言不作

10 9 8 7 6 5 4 3 2 1

有

標本詩一卷

古

此

次說沙門四種所應作法

汝某甲聽是諸世尊如知應正等覺所知所見爲諸
苾芻受近圓者說沙門四種所應作法云何爲四汝
某甲聽始從今日若他罵不應返罵他瞋不應返嗔
他調不應返調他打不應返打有如是等惱亂起時
汝能攝心不返報不答言不報汝某甲聽汝先標心
有所希望作如是念我當何時得於世尊善說法律
出家近圓成苾芻性汝已出家今受近圓得好如法
親教師及軌範師等和合僧伽秉白四羯磨文無差
舛極善安住如餘苾芻雖滿百夏所應學者汝亦修
學汝所學者彼亦同然同得學處同說戒經汝從今
日當於是處起敬奉心不應厭離於親教師應生父
想師於汝處亦生子想乃至命存侍養瞻病共相看
問起慈愍心至老至死又於同梵行所上中下座常
生敬重隨順恭勤而爲共住讀誦禪思修諸善業於
蘊處界十二緣生十力等法應求解了勿捨善軌離
諸懈怠未得求得未解求解未證求證乃至獲得阿
羅漢果究竟涅槃我今爲汝於要界事舉其大綱餘
未知者當於二師及同學親友善應詔問又於半月
說戒經時自當聽受準教勤修爲說頌曰

10 9 8 7 6 5 4 3 2 1 0 9 8 7 6 5 4 3 2 1 0 9 8 7 6 5 4 3 2 1 0 9 8 7 6 5 4 3 2 1 0

汝於最勝教 具足受尸羅 至心當奉持
無障身難得 端正者出家 清淨者圓具
實語者所說 正覺之所知

汝某甲已受近圓竟勿爲放逸當謹奉行令在前而去

根本說一切有部百一羯磨卷第一

音釋

蹲踞

蹲祖切

居御切

居尊切

單告切

單必切

二切

濾音慮

濾也

革屣

革屣

腨皮

腨所綺切

腨市竟切

腨朋腸切

庖披兒切

庖瘡他典切

瘡瘻士緩切

瘡瘻

瘡瘻烏結切

瘡瘻

瘡瘻

瘧蘇

瘧苦愛切

瘧奏切

喘昌切

喘氣疾息也

癲顛音

癲顛

噎噎烏

噎噎於月切

噎

噎

歷痺

歷音林痺音林歷謂

歷小便痺病而滴滲也

痺昨禾切

痺瘡也

瘡瘻力員切手拘攣也

瘻瘻必益切足不能行也

瘻瘻

瘻瘻於之切

瘻瘻

瘻瘻

絰絰

絰施

絰繕切

絰絰

絰施

絰絰衣

絰義切

絰絰

絰義失廉切

絰絰

889101234567892012345678930123456789401234567895012345678960123456789701234567898012345678990123456789

根本說一切有部百一羯磨卷第二

唐三藏法師義淨奉制

具譯

爾時具壽鄖波離請世尊曰大德如世尊說大世主
喬答彌由其愛樂八敬法故便是出家及受近圓成
苾芻尼性者大德餘苾芻尼衆欲遣如何佛告鄖波
離餘苾芻尼若先出家未受近圓可隨次第如常應
作若有在俗女人發心欲求出家者隨情詣一苾芻
尼處尼卽應問所有障法若遍淨者隨意攝受旣攝
受已授與三歸并五學處成鄖波斯迦律儀護

此言護者

梵云三跋羅譯爲擁護由受歸戒護使不落三塗舊云律儀乃當義譯云是律法儀式若但云護恐學者

10 11 12 13 14 15 16 17 18 19 20 21 22 23 24 25 26 27 28 29 30

卷

釋名一卷第廿二

卷二

木詳故二俱存明了如是應授先教求出家者今禮論中已譯爲護也

敬已在本師前雙膝著地低頭合掌教作是語阿遮利耶存念我某甲始從今日乃至命存歸依佛陀兩足中尊歸依達摩離欲中尊歸依僧伽諸衆中尊如是三說法師云奧笪迦譯爲好答云娑度譯爲善並已注如前

欠授五學處教云汝隨我語阿遮利耶存念如諸聖阿羅漢乃至命存不殺生不偷盜不欲邪行不虛誑語不飲諸酒我某甲始從今日乃至命存不殺生不偷盜不欲邪行不虛誑語不飲諸酒亦如是此卽是我五支學處是諸聖阿羅漢之所學處我當隨學隨

作隨持如是三說願阿遮利耶證知我是鄖波斯迦

歸依三寶受五學處師云好答云善

次請鄖波馱耶教云

譯爲親教師言和尚者乃是西方時俗語非是典語然諸經律

梵本皆云鄖波馱耶

阿遮利耶譯爲軌範師

存念我某甲今請阿遮

利耶爲鄖波馱耶願阿遮利耶爲我作鄖波馱耶由

阿遮利耶爲鄖波馱耶故我當出家如是三說後語

同前至第三番應言由鄖波馱耶爲鄖波馱耶故由

師位故

次請一苾芻尼爲白衆者彼應問本師云所有障法並已問未答言已問若問者善若不問而白者得越

重言耳

津

長水記一刀可書百萬言卷第二

二

南

法罪次爲白衆一切僧伽當須盡集或巡房告知次

律

標註一七
卷一百一十一

二

北利

將至衆中致禮敬已在上座前雙膝著地低頭合掌作如是語苾芻尼僧伽聽此某甲從苾芻尼某甲希求出家在俗白衣比未落髮願於善說法律出家近圓成苾芻性此某甲若剃髮披法服已起正信心捨家趣非家某甲爲鄖波駄耶苾芻尼僧伽爲與某甲出家不此乃但是以言白事不是羯磨單白合衆咸言若遍淨者應與出家俱問者善如不問者得越法罪次爲請苾芻尼作剃髮者彼便盡剃其人後悔佛言應留頂上少髮問曰除爾頂髮不若言不者應言隨汝意去若言除

者應可剃除次與洗浴若寒與湯熱授冷水與著裙當須檢察恐是無根二根及根不全等時苾芻尼露形檢察彼生愧恥佛言不應露體而爲檢察爲著裙時應可私視勿令彼覺次授縵條教其頂受爲著衣已師應爲請苾芻尼與受求寂女律儀護者致禮敬已應在二師前雙膝著地低頭合掌教作是語

二師
可相

近坐令弟子執親教師裝角親見西方行法如是

阿遮利耶存念我某甲始從今日乃至命存歸依佛陀兩足中尊歸依達摩離欲中尊歸依僧伽諸衆中尊彼薄伽梵釋迦牟尼釋迦師子釋迦大王如知應

律

卷一百一十一

三

南

789101234567892012345678930123456

行

標註一切有音言一卷

三

北和

正等覺彼旣出家我當隨出在俗容儀我已棄捨出家形相我今受持我因事至說親教師名親教師名某甲如是三說師云好答云善次授十學處教云汝隨我語阿遮利耶存念如諸聖阿羅漢乃至命存不殺生不偷盜不姪欲不虛誑語不飲諸酒不歌舞作樂不香鬟塗彩不坐高牀大牀不非時食不受畜金銀我某甲始從今日乃至命存不殺生不偷盜不姪欲不虛誑語不飲諸酒不歌舞作樂不香鬟塗彩不坐高牀大牀不非時食不受畜金銀亦如是此卽是我十支學處是諸聖阿羅漢之所學處我當隨學隨

作隨持如是三說願阿遮利耶證知我是求寂女我因事至說鄖波駛耶名鄖波駛耶名某甲師云好答云善汝已善受十學處竟當供養三寶親近二師學問誦經勤修三業勿爲放逸若是曾嫁女年滿二十若童女年滿十八應可臨時隨事稱說下皆準此應與六法六隨法二年令學應如是與先敷座已鳴犍椎言白復周苾芻尼僧伽隨應盡集極少須滿十二人於壇場中令求寂女致禮敬已在上座前雙膝著地低頭合掌作如是語苾芻尼僧伽聽我求寂女某甲年滿十八我因事至說鄖波駛耶名我從鄖波駛耶某甲於二年

津

卷之二十一

四

南

10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

内乞學六法六隨法我某甲今從苾芻尼僧伽於二年內乞學六法六隨法我因至說鄖波駄耶名某甲爲鄖波駄耶願苾芻尼僧伽授我於二年內學六法六隨法攝受拔濟我教示哀愍我是能愍者願哀愍故如是三說

次一苾芻尼秉白二羯磨苾芻尼僧伽聽此求寂女某甲年滿十八某甲爲鄖波駄耶今從苾芻尼僧伽於二年內乞學六法六隨法若苾芻尼僧伽時至聽者苾芻尼僧伽應許苾芻尼僧伽今與求寂女某甲年滿十八於二年內學六法六隨法某甲爲鄖波駄

耶白如是

次作羯磨苾芻尼僧伽聽此求寂女某甲年滿十八某甲爲鄖波駄耶今從苾芻尼僧伽於二年內乞學六法六隨法某甲爲鄖波駄耶苾芻尼僧伽今與求寂女某甲年滿十八於二年內學六法六隨法某甲爲鄖波駄耶若諸具壽聽與求寂女某甲年滿十八於二年內學六法六隨法某甲爲鄖波駄耶者默然若不許者說苾芻尼僧伽已與求寂女某甲年滿十八於二年內學六法六隨法某甲爲鄖波駄耶竟苾芻尼僧伽已聽許由其默然故我今如是持

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

次應告言汝某甲聽始從今日應學六法一者不得獨在道行二者不得獨渡河水三者不得觸丈夫身四者不得與男子同宿五者不得爲媒嫁事六者不得覆尼重罪攝頌曰

不獨在道行 不獨渡河水 不故觸男子
不與男同宿 不爲媒嫁事 不覆尼重罪
復言汝某甲聽始從今日應學六隨法一者不得捉屬已金銀二者不得荆隱處毛三者不得墾掘生地四者不得故斷生草木五者不得不受而食六者不得食曾觸食攝頌曰

不捉於金等 不除隱處毛 不掘於生地
不壞生草木 不受食不食 曾觸不應食
若二年內於六法六隨法已修學訖可授近圓師應爲求五衣及鉢瀘水羅臥敷具爲請作羯磨尼屏教師并入壇場諸苾芻尼旣和集已極少須滿十二人諸苾芻尼先可授其淨行本法皆令三遍禮敬然敬有二種一謂五輪至地謂是額輪二手掌輪二膝輪也二謂兩手執師腨足於此二中任行其一既致敬已應請邬波駁耶若先是邬波駁耶或是阿遮利耶者隨時稱說若先非二師者應云大德或云尊者若請軌範師類斯

10 9 8 7 6 5 4 3 2 1

律

卷之二十一

七

北

應作當具威儀作如是語鄖波馱耶存念我某甲今請鄖波馱耶爲鄖波馱耶願鄖波馱耶爲我作鄖波馱耶由鄖波馱耶爲鄖波馱耶故當受近圓此謂先是受十

教師戒親如是三說後語同前卽於衆中在親教師前師

與守持五衣應如是教鄖波馱耶存念我某甲此僧

伽胝

譯爲復衣

我今守持已作成衣是所受用如是三說

後語同前下之四衣皆須別持準此應說溫咀羅僧

伽

譯爲上衣

安咀婆娑

譯爲內衣

厥蘇洛迦

譯爲下裙

僧脚崎

譯爲掩腋

若是未浣染未割截物若絹若布權充衣數者應

如是守持鄖波馱耶存念我某甲此衣我今守持當

作九條僧伽胝衣兩長一短若無障難我當浣染割
截縫刺是所受用如是三說後語同前餘衣準此此
衣者尼所要用三衣如舊餘二須論厥蘇洛迦正
名篇意取形狀立目卽是尼之下裙長四肘寬二肘
兩頭縫合入立擡上過齊後掩繫以腰條在襍上二
指此是西方尼衆著裙之儀唯此一裙更無餘服以
是煙地充事長道不同寒國重數須多舊云厥修羅
或云低修羅者皆訛也僧脚崎者卽是此方覆膊更
長一肘正當其量用掩肩腋佛制恐汙三衣先用通
覆兩肩然後於上通披法服繞頸令急級拘紐於肩
頭其拘紐與衫兜相似衣總覆身元不露膊雙手不
出欵在脣前同阿育王像乃至禮敬三寶及受大戒
敢食之儀曾不輒許露出脣膊尼在寺時法皆如是
僧亦同此然敢食禮拜之時僧便露膊五天皆爾不是
見僧尼披覆膊者若在寺中無帶拘紐法由邏布輕
澀肩頭不墮此方絹滑施帶脣前自是一家容儀非支
關佛所制則但由先來翻譯傳授不體其義云僧祇
支復道覆肩衣然覆肩衣者卽僧脚崎喚作僧祇

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6

乃是傳言不正此二元是一物強復施其兩名祇支似帶本音覆肩律無斯目又此方古舊祇支亦非本樣合是厥酥洛迦而縵偏開一邊事當下裙也此等非直各有參差著用亦未開其軌畧註大綱廣如餘處自非親觀西國誰復委的元由設有見此告言改者萬中有一卽但三衣之類也旣而雷同執舊不肯隨新斯乃知而故爲達教之德誰代之也

次可擎鉢總呈大衆恐太小太大及白色等若是好者大衆咸云好鉢不言者得越法罪然後守持應置左手張右手掩鉢口上教云鄖波馱耶存念我某甲此波怛羅是大仙器是乞食器我今守持常用食故如是三說後語同前次應安在見處離聞處教其一心合掌向衆虔誠而立其羯磨尼應問衆中誰先受

請當於屏處教示某甲彼受請者答言我某甲次問汝某甲能於屏處教示某甲某甲爲鄖波馱耶不彼應答言我能

次羯磨尼應作單白苾芻尼僧伽聽此苾芻尼某甲能於屏處教示某甲某甲爲鄖波馱耶若苾芻尼僧伽時至聽者苾芻尼僧伽應許苾芻尼僧伽今差苾芻尼某甲作屏教師當於屏處教示某甲某甲爲鄖波馱耶白如是次屏教師將至屏處教禮敬已如上威儀作如是語汝某甲聽此是汝真誠時實語時我今少有問汝汝應以無畏心若有言有若無言無不

889101234567892012345678930123456

律

釋本論一七有言卷一第

八

北和

得作虛誑語汝是女人不答言是汝年滿二十未若曾
嫁女者問汝年滿十四未答言滿汝五衣鉢具不答言具汝父母
在不若言在者聽汝出家不答言聽若言死者更不
須問汝夫主在不若有若無隨時教答汝非婢不汝
非宮人不若言是者應問國主聽汝不汝非王家毒
害人不汝非賊不汝非憂愁損心不汝非小道無道
二道合道不汝非身常流血及無血不汝非黃門不
汝非汙苾芻不汝非殺父不汝非殺母不汝非殺阿
羅漢不汝非破和合僧伽不汝非惡心出佛身血不
汝非外道不現是外道汝非趣外道不先已出家還歸外道更復重來汝

非賊住不汝非別住不汝非不共住不先犯重人汝非化
人不汝非負債不若言有者應可問言汝能受近圓
已還彼債不言能者善若不能者汝可問彼許者方
來汝非先出家不若言不者善如言我曾出家者報
云汝去無尼歸俗重許出家汝名字何答名某甲汝
鄖波馱耶字何答云我因事至說鄖波馱耶名鄖波
馱耶名某甲又汝應聽女人身中有如是病謂癩病
癩病癬疥疮瘡皮白癓瘡頭上無髮惡瘡下漏諸塊
水腫欬癥喘氣咽喉乾燥閼風癩狂形無血色噎噦
嘔逆諸痔瘻瘡脚吐血癰瘻下痢壯熱脅痛骨節

7 8 9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

煩疼及諸瘧病風黃痰癰總集三病常熱病鬼病聾
盲瘡瘻小攀躉肢節不具汝無如是諸病及餘病
不答言無汝某甲聽如我今於屏處問汝然諸苾芻
尼在於大衆中亦當問汝汝於彼處以無畏心若有
言有若無言無還應實答汝且住此未喚莫來次屏
教師前行半路向衆而立應作是語苾芻尼僧伽聽
彼某甲我於屏處已正教示問其障法某甲爲鄖波
馱耶爲聽來不合衆咸言若遍淨者應可喚來咸言
者善如不言者招越法罪其壇場法式及威儀進止並如大僧已論審觀應作
應遙喚來既至衆中令於上座前如上威儀當乞受

淨行本法教作是語苾芻尼僧伽聽我某甲今因事
至說鄖波馱耶名我從鄖波馱耶某甲求受近圓我
某甲今從苾芻尼僧伽乞受淨行本法我因事至說
鄖波馱耶名某甲爲鄖波馱耶願苾芻尼僧伽授我
淨行本法攝受拔濟我教示哀愍我是能愍者願哀
愍故如是三說

次令至羯磨師前雙膝著地坐小禪子低頭合掌虔
誠而住女人坐與男人不同作小禪子可方一尺厚三寸纔得支坐偏踞帖膝低頭合掌西方受戒法皆如是也其羯磨師應作單白問其障法苾芻尼僧伽
聽此某甲從鄖波馱耶某甲求受近圓此某甲今從

10 9 8 7 6 5 4 3 2 1

20 19 18 17 16 15 14 13 12 11 10 9 8 7 6 5 4 3 2 1

30 29 28 27 26 25 24 23 22 21 20 19 18 17 16 15 14 13 12 11 10 9 8 7 6 5 4 3 2 1

5 4 3 2 1

卷

本末一
七言詩
有無之事
如前問知

北和

苾芻尼僧伽乞受淨行本法某甲爲鄖波馱耶若苾
芻尼僧伽時至聽者苾芻尼僧伽應許我於衆中檢
問某甲所有障法某甲爲鄖波馱耶白如是

次問障法如上應知當作白二羯磨苾芻尼僧伽聽
此某甲從鄖波馱耶某甲求受近圓是女人年滿二
十五衣鉢具父母夫主悉皆聽許有無之事
如前問知苾芻尼
僧伽已與二年學六法六隨法此於二年已學六法
六隨法某甲自言遍淨無諸障法此某甲今從苾芻
尼僧伽乞受淨行本法某甲爲鄖波馱耶若苾芻尼
僧伽時至聽者苾芻尼僧伽應許苾芻尼僧伽今與

某甲受淨行本法某甲爲鄖波馱耶白如是次作羯
磨苾芻尼僧伽聽此某甲從鄖波馱耶某甲求受近
圓是女人年滿二十五衣鉢具父母夫主悉皆聽許
苾芻尼僧伽已與二年學六法六隨法此於二年已
學六法六隨法某甲自言遍淨無諸障法此某甲今
從苾芻尼僧伽乞受淨行本法某甲爲鄖波馱耶苾
芻尼僧伽今與某甲淨行本法某甲爲鄖波馱耶若
諸具壽聽與某甲受淨行本法某甲爲鄖波馱耶者
默然若不許者說苾芻尼僧伽已與某甲受淨行本
法某甲爲鄖波馱耶竟苾芻尼僧伽已聽許由其默

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6

然故我今如是持次當爲請作羯磨苾芻及請諸苾
芻入壇場者二部僧伽隨應盡集苾芻極少須滿十
人尼十二人教受近圓者令三遍禮衆禮有二種如
前已說於僧必須致禮尼衆執膾亦得禮訖向上座
前雙膝著地合掌而住教乞近圓應云二部僧伽聽
我某甲今因事至說鄖波馱耶名我從鄖波馱耶某
甲求受近圓我某甲今從二部僧伽乞受近圓我因
事至說鄖波馱耶名某甲爲鄖波馱耶願二部僧伽
授我近圓攝受拔濟我教示哀愍我是能愍者願哀
愍故如是三說

次令至羯磨師所如前威儀師作單白問其障法應
如是說二部僧伽聽此某甲從鄖波馱耶某甲求受
近圓此某甲今從二部僧伽乞受近圓某甲爲鄖波
馱耶若二部僧伽時至聽者二部僧伽應許我今對
二部僧伽問其障法某甲爲鄖波馱耶白如是
次問障法如上應知次作白四羯磨應云二部僧伽
聽此某甲從鄖波馱耶某甲求受近圓是女人年滿
二十五衣鉢具父母夫主悉皆聽許苾芻尼僧伽已
與二年學六法六隨法此某甲已於二年學六法六
隨法苾芻尼僧伽已與作淨行本法此女已能承事

尺
8 9 10
1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6 7 8 9

尼衆稱悅其心清淨奉行於尼衆中無有憊失此某甲今從二部僧伽乞受近圓某甲爲鄖波駄耶若二部僧伽時至聽者二部僧伽應許二部僧伽今與某甲受近圓某甲爲鄖波駄耶白如是

次作羯磨二部僧伽聽此某甲從鄖波駄耶某甲求受近圓是女人年滿二十五衣鉢具父母夫主悉皆聽許苾芻尼僧伽已與二年學六法六隨法此某甲已於二年學六法六隨法苾芻尼僧伽已與作淨行本法此女已能承事尼衆稱悅其心清淨奉行於尼衆中無有憊失此某甲今從二部僧伽乞受近圓某

甲爲鄖波駄耶若二部僧伽時至聽者一部僧伽應許二部僧伽今與某甲受近圓某甲爲鄖波駄耶若二部僧伽聽與某甲受近圓某甲爲鄖波駄耶者默然若不許者說此是初羯磨如是三說二部僧伽已與某甲受近圓某甲爲鄖波駄耶竟二部僧伽已聽許由其默然故我今如是持次應量影并告五時準苾芻法作

次當爲說三依法汝某甲聽此三依法是諸世尊如知應正等覺所見爲諸苾芻尼受近圓者說是依法所謂依此善說法律出家近圓成苾芻尼性故何爲

10 9 8 7 6 5 4 3 2 1

20 19 18 17 16 15 14 13 12 11 10

30 29 28 27 26 25 24 23 22 21 20

19 18 17 16 15 14 13 12 11 10

有

利本詩一切不當百一并用者第

三

北和

三汝某甲聽一糞掃衣是清淨物易可求得苾芻尼
依此於善說法律出家近圓成苾芻尼性汝某甲始
從今日乃至命存用糞掃衣而自支濟生欣樂不答
言欣樂若得長利純絹縵條小帔大帔輕紗紵布或
諸雜物若更得清淨衣若從衆得若從別人得汝於
斯等隨可受之知量受用不答言受用汝某甲聽二
常乞食是清淨食易可求得苾芻尼依此於善說法
律出家近圓成苾芻尼性汝某甲始從今日乃至命
存以常乞食而自支濟生欣樂不答言欣樂若得長
利飯粥飲等若僧次請食若別請食若僧常食若常

別施食八日十四日十五日食若更得清淨食若從
衆得若從別人得汝於斯等隨可受之知量受用不
答言受用汝某甲聽三陳棄藥是清淨物易可求得
苾芻尼依此於善說法律出家近圓成苾芻尼性汝
某甲始從今日乃至命存用陳棄藥而自支濟生欣
樂不答言欣樂若得長利酥油糖蜜根莖葉華果等
藥時及更藥七日盡壽若更得清淨藥若從衆得若
別人得汝於斯等隨可受之知量受用不答言受用

尼無獨在樹下住法
是故但有三種依止

次說八墮落法汝某甲聽有此八法是諸世尊如知

10 9 8 7 6 5 4 3 2 1

20

1 2 3 4 5 6 7 8 9

30

1 2 3 4 5 6 7 8 9

看

初本末一切有言古一辨序卷第二

十四

北和

應正等覺所知所見爲諸苾芻尼受近圓者說墮落法諸苾芻尼於此八中隨一一事若有犯者隨當犯時便非苾芻尼非沙門尼非釋迦女隨失苾芻尼性此便墮落斷沒輪迴爲他所勝不可重收譬如斬截多羅樹頭不更能生增長高大苾芻尼亦爾云何爲八汝某甲聽是諸世尊如知應正等覺所知所見以無量門毀諸欲法說欲是染欲是潤澤欲是愛著欲是居家欲是羈絆欲是耽樂是可斷除是可吐盡可歟息滅是冥闇事汝某甲始從今日不應輒以染心視諸男子何況共行不淨行事汝某甲聽如世尊說

若復苾芻尼與諸苾芻尼同得學處不捨學處學處不自說作不淨行兩交會法乃至共傍生於如是事苾芻尼犯者隨當作時便非苾芻尼非沙門尼非釋迦女失苾芻尼性此便墮落斷沒輪迴爲他所勝不可重收汝從今日於此欲法不應故犯當生厭離殷重防護起怖畏心諦察勤修作不放逸汝於是事能不作不答言不作汝某甲聽是諸世尊如知應正等覺所知所見以無量門毀不與取離不與取稱揚讚歎是勝妙事汝某甲始從今日乃至麻糠他不與物不以賊心而故竊取何況五磨灑若過五磨

磨灑是數名有

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

律

現解說一
一切有部
沙門尼非
是錢廣如前註

三

北和

八十貝齒元非
汝某甲聽如世尊說若復苾芻尼若
在聚落若空閑處他不與物以盜心取如是盜時若
王若大臣若捉若殺若縛驅擯若訶責言咄女子汝
是賊癡無所知作如是盜於如是事苾芻尼犯者隨
當作時便非苾芻尼非沙門尼非釋迦女失苾芻尼
性此便墮落斷沒輪迴爲他所勝不可重收汝從今
日於此盜法不得故犯當生厭離殷重防護起怖畏
心諦察勤修作不放逸汝於是事能不作不答言不
作汝某甲聽是諸世尊如知應正等覺所知所見以
無量門毀於害命於離害命稱揚讚歎是勝妙事汝
某甲始從今日乃至蚊蟻不應故心而斷其命何況
於人若人胎汝某甲聽如世尊說若復苾芻尼若人
若人胎故自手斷其命或持刀授與或自持刀或求
持刀者若勸死讚死語言咄女子何用此罪累不淨
惡活爲汝今寧死死勝生隨自心念以餘言說勸讚
令死彼因死者於如是事苾芻尼犯者隨當作時便
非苾芻尼非沙門尼非釋迦女失苾芻尼性此便墮
落斷沒輪迴爲他所勝不可重收汝從今日於此殺
法不得故犯當生厭離殷重防護諦察勤修作不放
逸汝於是事能不作不答言不作汝某甲聽是諸世

尊如知應正等覺所知所見以無量門毀於妄語於
離妄語稱揚讚歎是勝妙事汝某甲始從今日及至
戲笑不應故心而爲妄語何況實無上人法說言已
有汝某甲聽如世尊說若復苾芻尼實無知無遍知
自知不得上人法寂靜聖者殊勝證悟智見安樂住
而言我知我見彼於異時若問若不問欲自清淨故
作如是說我實不知不見言知言見虛詭妄語除增
上慢或言我證口諦理或言天龍鬼神來共我語得
無常等想得四禪四空六神通八解脫證四聖果於
如是事苾芻尼犯者隨當作時便非苾芻尼非沙門
尼非釋迦女失苾芻尼性此便墮落斷沒輪迴爲他
所勝不可重妝汝從今日於妄語法不得故犯當生
獸離般重防護諦勤修作不放逸汝於是事能不
作不答言不作汝某甲聽如世尊說若復苾芻尼自
有染心共染心男子從目已下膝已上作受樂心身
相摩觸若極摩觸於如是事苾芻尼犯者隨當作時
非苾芻尼乃至諦察勤修作不放逸汝於是事能不
作不答言不作汝某甲聽如世尊說若復苾芻尼自
有染心共染心男子掉舉戲笑共期現相同處往來
在可行非處縱身而臥於是八事共相領受於如是

889101234567892012345678930123456789

事苾芻尼犯者隨當作時非苾芻尼乃至諦察勤修
作不放逸汝於是事能不作不答言不作汝某甲聽
如世尊說若復苾芻尼先知他苾芻尼犯他勝罪而
不曾說彼身死後若歸俗若出去方作是語尼衆應
知我先知此苾芻尼犯他勝罪於如是事苾芻尼犯
者隨當說時非苾芻尼乃至諦察勤修作不放逸汝
於是事能不作不答言不作汝某甲聽如世尊說若
復苾芻尼知彼苾芻尼和合僧伽與作捨置羯磨苾芻
尼衆亦復與作不禮敬法彼苾芻尼於僧伽處現恭敬
相希求拔濟自於界內乞解捨置法彼苾芻尼報苾
苾芻起謙下心自於界內乞解捨置法汝便供給衣
鉢等物令無乏少汝今應捨此隨從事諸苾芻尼如
是諫時捨者善不捨者應可再三慇懃正諫隨教應
語令捨是事捨者善若不捨者苾芻尼於如是事隨
當作時非苾芻尼乃至諦察勤修作不放逸汝於是
事能不作不答言不作攝頌曰

10 11 12 13 14 15 16 17 18 19 20 21 22 23 24 25 26 27 28 29 30

卷一

釋名二卷
第一卷
第二卷

尼有八他勝 四同於苾芻 餘觸染男期

覆罪隨僧棄

次應爲說八尊敬法汝某甲聽此八尊敬法是諸世尊如知應正等覺所知所見爲苾芻尼制尊敬法是可修行不應違越諸苾芻尼乃至命存應勤修學云何爲八梵云寔嚩達磨寔嚩是尊義重義師義所恭皆得也汝某甲聽如世尊說一者諸苾芻尼應從苾芻求受近圓成苾芻尼性此是世尊爲苾芻尼制初敬法是可修行不應違越諸苾芻尼乃至命存應勤修學二者諸苾芻尼半月應從苾芻求請教授

芻尼人三者無苾芻處不應安居四者若見苾芻犯過不應詰責五者不瞋訶苾芻六者老苾芻尼應禮敬年少苾芻七者應在二部衆中半月行摩那馳八者應往苾芻處爲隨意事此等八法是可修行不應違越諸苾芻尼乃至命存應勤修學攝頌曰

近圓從苾芻 半月請教授 依苾芻坐夏
見過不應言 不瞋訶禮少 意喜兩衆中

隨意對苾芻

斯名八敬法

次說沙門尼四種所應作法汝某甲聽是諸世尊如知應正等覺所知所見爲苾芻尼受近圓者說沙門

789101234567892012345678930123456

尼四種所應作法云何爲四汝某甲聽始從今日若他罵不應返罵他瞋不應返瞋他調不應返調他打不應返打有如是等惱亂起時汝能攝心降伏瞋慢不返報不答言不報汝某甲聽汝先標心有所希望作如是念我當何時得於世尊善說法律出家近圓成苾芻尼性汝已出家今受近圓得好如法親教師及軌範師等和合僧伽秉白四羯磨文無差舛極善安住如餘苾芻尼衆雖滿百夏所應學者汝亦修學汝所學者彼亦同然同得學處同說戒經汝從今日當於是處起敬奉心不應厭離於親教師應生母想

師於汝處亦生女想乃至命存侍養贍病共相看問起慈愍心至老至死又於同梵行所上中下座常生敬重隨順恭勤而爲共住讀誦禪思修諸善業於蘊處界十二緣生十力等法應求解了勿捨善輒離諸懈怠未得求得未解求解未證求證乃至獲得阿羅漢果究竟涅槃我今爲汝於要畧事舉其大綱餘未知者當於二師及同學親友善應詰問又於半月說戒經時自當聽受準教勤修爲說頌曰

汝於最勝教 具足受尸羅 至心當奉持
無障身難得 端正者出家 清淨者圓具

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

卷

根本說一切有部百一羯磨卷第二

三

禾

實語者所說 正覺之所知

汝某甲已受近圓竟勿爲放逸當謹奉行令在前而去

根本說一切有部百一羯磨卷第二

音釋

捷椎

梵語也此云鐘亦云磬律云隨有瓦木銅鐵鳴者皆曰捷椎捷巨塞切椎音地

墾掘

墾音墾耕也

切穿也

搘

市緣

條

土刀切編

牒

苦瓦切

煥

腰骨也

牒

腰骨切

牒

牒毛也

膊

音博

肩

音亦肘

腋

腋也

掉

徒弔切

掉

搖也

掉

掉也

掉

掉也

憊

去乾切

立

立也

憊

去乾切

掉

掉也

掉

掉也

掉

掉也

掉

掉也

憊

昌堯切

立

立也

憊

去乾切

掉

掉也

掉

掉也

掉

掉也

掉

掉也

根本說一切有部百一羯磨卷第三

和二

唐三藏法師義淨奉制譯

畜門徒白二

如世尊說若苾芻尼滿十二夏欲畜門徒應從苾芻尼僧伽乞畜門徒羯磨應如是乞敷座席鳴捷稚言白旣周諸苾芻尼集極少滿十二人彼苾芻尼向上座前致敬已蹲踞合掌作如是白大德尼僧伽聽我某甲滿十二夏欲畜門徒我某甲今從苾芻尼僧伽乞畜門徒法願苾芻尼僧伽與我某甲滿十二夏畜門徒法是能愍者願哀愍故第二第三亦如是說次

7891011234567892012345678930123456

卷

七言詩一類卷第三

北印

一苾芻尼作白羯磨應如是作大德尼僧伽聽此苾
芻尼某甲滿十二夏欲畜門徒此某甲今從苾芻尼
僧伽乞畜門徒法若苾芻尼僧伽時至聽者苾芻尼
僧伽應許苾芻尼僧伽今與某甲滿十二夏畜門徒
法白如是次作羯磨大德尼僧伽聽此苾芻尼某甲
滿十二夏欲畜門徒此某甲今從苾芻尼僧伽乞畜
門徒法苾芻尼僧伽今與某甲滿十二夏畜門徒法
若諸具壽聽與某甲滿十二夏畜門徒法者默然若
不許者說苾芻尼僧伽已與某甲滿十二夏畜門徒
法竟苾芻尼僧伽已聽許由其默然故我今如是持

既得法已應畜門徒勿致疑惑

尼畜無限門徒白二

若苾芻尼欲畜無限門徒者應從苾芻尼僧伽乞畜
無限門徒法如是應乞言白既周敷座席鳴捷椎作
前方便乃至合掌作如是白大德尼僧伽聽我苾芻
尼某甲欲畜無限門徒我某甲今從苾芻尼僧伽乞
畜無限門徒法願苾芻尼僧伽與我某甲畜無限門
徒法是能愍者願哀愍故第二第三亦如是說次一
苾芻尼作白羯磨大德尼僧伽聽此苾芻尼某甲欲
畜無限門徒此某甲今從苾芻尼僧伽乞畜無限門

徒法若苾芻尼僧伽時至聽者苾芻尼僧伽應許苾芻尼僧伽今與某甲畜無限門徒法白如是次作羯磨大德尼僧伽聽此苾芻尼某甲欲畜無限門徒此某甲今從苾芻尼僧伽乞畜無限門徒法苾芻尼僧伽今與某甲畜無限門徒法若諸具壽聽與某甲畜無限門徒法者默然若不許者說苾芻尼僧伽已與某甲畜無限門徒法竟苾芻尼僧伽已聽許由其默然故我今如是持若苾芻尼既得法已隨意多畜勿致疑惑

不離僧伽祇白二

若苾芻老朽無力或復身病無所堪能其僧伽祇衣重大不能持行者此苾芻應從僧伽乞不離僧伽祇衣法應如是乞作前方便下至四人於壇場內彼苾芻偏露右肩脫革屣向上座前蹲踞合掌隨應致敬作如是白須知西方人衆元不著鞋履此云遣脫意時準在深防若有著來皆須脫去如有病隨量大德僧伽聽我苾芻某甲老朽無力或復身病無所堪能僧伽祇衣重大不能持行我苾芻某甲今從僧伽乞不離僧伽祇衣法願大德僧伽與我某甲不離僧伽祇衣法是能愍者願哀愍故第二第三亦如是說次一苾芻作白羯磨應如是作大德僧伽聽

789101234567892012345678930123456

律

標本說一七有部第一期第三卷第三

三

北和

此苾芻某甲老朽無力或復身病無所堪能僧伽祇
衣重大不能持行此某甲今從僧伽乞不離僧伽祇
衣法若僧伽時至聽者僧伽應許僧伽今與某甲不
離僧伽祇衣法白如是大德僧伽聽此苾芻某甲老
朽無力或復身病無所堪能僧伽祇衣重大不能持
行此苾芻某甲今從僧伽乞不離僧伽祇衣法僧伽
今與某甲不離僧伽祇衣法若諸具壽聽與某甲不
離僧伽祇衣法者默然若不許者說僧伽已與某甲
不離僧伽祇衣法竟僧伽已聽許由其默然故我今
如是持若苾芻既得法已可持上下二衣隨意遊行

勿致疑惑如苾芻旣爾苾芻尼準此應與

次明結界法

如世尊說汝諸苾芻可於住處應須結界時諸苾芻
不知界有幾種應云何結佛言界有二種一者小界
二者大界可于大界標相內無妨難處安小界場舊
住諸苾芻應共觀小界四方久住標相如東方牆相
或樹或柵土封豎石釘橛南西北方標相隨事準知
既知相已言白復周作前方便乃至衆須盡集舊住
諸苾芻共稱小界四方久住標相已令一苾芻作白
羯磨應如是作大德僧伽聽今于此處所有舊住苾

芻共稱小界四方久住標相東方某相乃至北方某
相若僧伽時至聽者僧伽應許僧伽今于此相域內
結作小界場白如是大德僧伽聽今于此處所有舊
住苾芻共稱小界四方久住標相東方某相乃至北
方某相僧伽今于此相域內結作小界場若諸具壽
聽于此相域內結作小界場者默然若不許者說僧
伽已于此相域內結作小界場竟僧伽已聽許由其
默然故我今如是持

次明結大界法舊住諸苾芻先共觀大界四方久住
標相如東方牆相或樹或柵籬土封豎石釘橛南北

北方準上應知既稱相已敷座席鳴捷稚作前方便
衆皆盡集舊住諸苾芻共稱大界四方標相衆知相
已令一苾芻作白羯磨應如是作大德僧伽聽今于
此處所有舊住苾芻共稱大界四方久住標相東方
某相乃至北方某相若僧伽時至聽者僧伽應許僧
伽今于此相域內結作一棗灑陀同住處法僧伽大
界從阿蘭若至斯住處于此除村及村勢分白如是
次作羯磨大德僧伽聽今于此處所有舊住苾芻共
伽今于此相域內結作一棗灑陀同住處法僧伽大

界從阿蘭若至斯住處于此除村及村勢分若諸具壽聽于此相域內結作一褒灑陀同住處法僧伽六界從阿蘭若至斯住處于此除村及村勢分者默然若不許者說僧伽已於此相域內結作一褒灑陀同住處法僧伽大界竟僧伽已聽許由其默然故我今如是持若于此住處僧伽已結大界竟此中所有苾芻應集一處爲褒灑陀及隨意事并作一切單白二白四羯磨若衆不集作法不成得越法罪又于大界相域上結作苾芻不失衣界應如是結作前方便令一苾芻先作白方爲羯磨

結不失衣界白二

大德僧伽聽于此住處和合僧伽先共結作一褒灑陀同住處法僧伽大界若僧伽時至聽者僧伽應許僧伽今于此大界上結作苾芻不失衣界白如是大德僧伽聽于此住處和合僧伽先共結作一褒灑陀同住處法僧伽大界僧伽今于此大界上結作苾芻不失衣界若諸具壽聽于此大界上結作苾芻不失衣界者默然若不許者說僧伽已于此大界上結作苾芻不失衣界竟僧伽已聽許由其默然故我今如是持若僧伽已結不失衣界竟唯將上下二衣界外

889 10123456789 20123456789 30123456789

遊行無離衣咎若須解大界者應以白四羯磨解于
大界上敷座席鳴捷稚衆若不集極少至四苾芻應
先作白方爲羯磨

解大小界白四

大德僧伽聽于此住處和合僧伽先共結作一衰灑
陀同住處法僧伽大界若僧伽時至聽者僧伽應許
僧伽今解大界白如是大德僧伽聽于此住處和合
僧伽先共結作一衰灑陀同住處法僧伽大界僧伽
今解此大界若諸具壽聽解此大界者默然若不許
者說此是初羯磨第二第三亦如是說僧伽已解大

界竟僧伽已聽許由其默然故我今如是持如其小
界欲須解時應以白四羯磨解于小界壇場中敷座
席鳴捷椎下至四苾芻應先作白方爲羯磨大德僧
伽聽于此住處和合僧伽先共結作小界場若僧伽
時至聽者僧伽應許僧伽今共解此小界場白如是
大德僧伽聽于此住處和合僧伽先共結作小界場
僧伽今共解此小界場若諸具壽聽解此小界場者
默然若不許者說此是初羯磨第二第三亦如是說
僧伽已解小界場竟僧伽已聽許由其默然故我今
如是持若欲小界大界一時雙結及一時雙解者其

舊住諸苾芻衆先安小界四方標相先定東方牆相
或樹柵籬土封豎石釘橛南西北方亦復如是次定
大界四方標相如前小界準知于兩界上集二僧伽
各敷座席鳴捷椎言白復周衆旣集已令一苾芻應
稱小界四方標相先從東方某相乃至北方某相旣
稱相已次稱大界四方標相先從東方某相乃至北
方某相旣稱大界相已其秉法苾芻于二界上或以
牀或枯席等壓兩界上應先作白方爲羯磨大德僧
伽聽今于此處所有舊住苾芻共稱小界四方久住
標相東方某相乃至北方某相共稱大界四方久住
標相東方某相乃至北方某相若僧伽時至聽者僧
伽應許僧伽今于此相域內結作小界場僧伽今於
此相域內結作一袞灑陀同住處法僧伽大界從阿
蘭若至斯住處于此除村及村勢分白如是次作羯
磨大德僧伽聽今于此處所有舊住苾芻共稱小界
四方久住標相東方某相乃至北方某相共稱大界
四方久住標相東方某相乃至北方某相僧伽今于
此相域內結作小界場于此相域內結作一袞灑陀
同住處法僧伽大界從阿蘭若至斯住處于此除村
及村勢分若諸具壽聽于此相域內結作小界場于

法僧伽大界并結小界場若僧伽時至聽者僧伽應許僧伽今解大界及解小界場白如是大德僧伽聽于此住處和合僧伽先共結作一袞灑陀同住處法僧伽大界并小界場僧伽今解此大界及解小界場若諸具壽聽解此大界及解小界場者默然若不許者說此是初羯磨第二第三亦如是說僧伽已解大界及解小界場竟僧伽已聽許由其默然故我今如是持具壽鄖波離請世尊曰大德不作法界齊何名界佛言若諸苾芻在村住者齊牆柵內并外勢分應集一處爲長淨事及作隨意單白白二乃至白四悉

此相域內結作一袞灑陀同住處法僧伽大界從阿蘭若至斯住處于此除村及村勢分者默然若不許者說僧伽已于此相域內結作小界場于此相域內結作一袞灑陀同住處法僧伽大界竟僧伽已聽許由其默然故我今如是持次後諸苾芻衆從座起向大界中同集一處依大界相域結作苾芻不失衣界以白二羯磨同前而結若欲兩界一時雙解者應二界上集二僧伽敷座席作前方便其秉法者于兩界上以牀席枯等壓之應先作白方爲羯磨大德僧伽聽于此住處和合僧伽先共結作一袞灑陀同住處

889 10123456789 20123456789 30123456789

卷一

大藏經二十二

大

北印

皆應作若不集者作法不成得別住罪大德無村之處蘭若空田齊何名界佛言周圍各齊一俱盧舍諸有苾芻應集一處于此界內爲長淨事乃至白四羯磨悉皆得作若不集者作法不成得越法罪不作法謂界者云自然者非具壽邬波離請世尊曰大德如世尊說汝諸苾芻應結大界諸苾芻衆未知結界齊幾許來名爲大界佛言結大界者得齊兩踰膳那半言踰膳那者既無正翻義當東夏一驛可三十餘里舊云由旬者訛畧若準西國俗法四俱盧舍爲一踰膳那計一俱虛舍可有八里卽是當其三十二里若準內教八俱盧舍爲一踰膳那一俱盧舍有五百弓弓有一步數掌其步數纔一里半餘將八倍之當十二里此乃不充一驛親驗當今西方踰膳那可有一驛故今皆作一

驛翻之庶無遠滯然則那爛陀寺南向王大德若過舍城有五俱盧舍計其里數可一驛餘
兩踰膳那半得爲界不佛言但齊兩踰膳那半是其界分大德向下齊何名爲大界佛言至水名之爲界大德向下兩踰膳那半外方至水者亦名界不佛言佛言若界內有樹界至樹杪界內有牆界至牆頭此名爲界大德兩踰膳那半外方至樹杪牆頭者此亦界不佛言但齊兩踰膳那半是其界分大德若界內有山齊何名界佛言上至于水大德兩踰膳那半外方至水者亦名界不佛言兩踰膳那半爲定量故具

卷一

大藏經二十二

一

南印

889101234567892012345678930123456789

卷

相本說一切有部百一類第十三

北和

壽鄖波離請世尊曰大德頗得不解前界後更重結得成界不佛言不得大德頗得以界入餘界不佛言不得大德界有幾種不相涉入佛言界有四種云何爲四謂小界場現停水處苾芻界苾芻尼界此皆不入亦不得重結大德頗得以界而圍餘界不佛言不得除現停水處小界場苾芻尼界大德有幾法失大界佛言有五云何爲五一者一切僧伽悉皆轉根二者一切僧伽決捨而去三者一切僧伽悉皆還俗四者一切僧伽同時命過五者一切僧伽作法而解大德頗得以一樹爲二三四住處界標相不佛言得應

取其樹各據一邊大德頗得以佛世尊足僧伽數爲秉羯磨不佛言不得由佛陀寶體別故大德如世尊說有淨地不淨地未知云何名爲淨地云何名不淨地耶佛言正法住世已來此有淨地及不淨地若正法隱沒之後悉皆成淨若如是者云何名爲正法住云何名正法隱沒佛言有秉羯磨者有順教行者旣有能秉法人及有行人此則名爲正法治世若不作羯磨及無順教行者名爲正法隱沒大德頗得以界越餘界不佛言不得若如是者有幾處不應越佛言有五處云何爲五一小界場二現停水處三苾芻界

四苾芻尼界五二界中間大德若如是者有水之處得通結界不佛言若諸河間有橋梁者得通結界異此便非大德橋梁若破得齊幾時不失界耶佛言得齊七日不作捨心我當料理此橋如不爾者其界便失大德正結界時其秉法者忽然身死成結界不佛言不成若稱界方相作羯磨者已秉多分雖復命終得成結界若稱相已羯磨少分不成結界應須更結若苾芻尼界準此應知大德頗得一白一羯磨一秉事人應四處作羯磨不佛言得四界各安三人其秉法者或以牀席枯板等壓四界上然後秉法此之一

88901234567892012345678930123456

界大界及不失衣界若解若結作法非作法方相限
域與大苾芻法同準彼應爲故不重出具壽鄖波離
請世尊曰大德說波羅底木又戒經總有幾種佛言
有五種云何爲五一者說序餘以常聞告知

梵云衰灑陀者
衰灑是長養義陀是清淨洗濯義欲令其半月半
月憶所作罪對無犯者說露其罪與改前愆一則遮
現在之更爲二則懲未來之慢法爲此咸須並集聽
別解脫經合善法而增茂住持之本斯其上數豈
堂頭禮餚而已哉此乃是汎兼俗侶斂廳相而二
標心若據法徒未足蠲其罪責舊云布薩者訛也

者說序及四波羅市迦法竟餘以常聞告知三者說
說序乃至十三僧伽伐尸沙法竟餘以常聞告知四者
說序乃至二不定法餘以常聞告知五者說序乃至

終爾時世尊于十五日衰灑陀時于苾芻衆中就座
而坐告諸苾芻曰夜分已過可爲長淨于時有一苾
芻從座而起偏露右肩虔誠合掌作如是語大德于
某房內有一苾芻身有痛苦此欲如何佛言可應取
彼欲淨時諸苾芻不知誰當合取佛言一人取一
人取二人取多乃至但能于大衆中稱說其名隨
意多取佛言與欲淨人所有行法我今當說諸與欲
淨苾芻先偏露右肩脫革屣致敬已蹲踞合掌作如
是說具壽存念今僧伽十四日爲衰灑陀我苾芻某
甲亦十四日爲衰灑陀我某甲自陳遍淨無諸障法

爲病患因緣故彼如法僧事我今與欲清淨此所陳
事當爲我說第二第三亦如是說大德又復與欲淨
苾芻有病不能起坐以身表業而與欲淨此得成不
佛言斯成善與欲淨以口表業與欲淨者善與欲淨
如其病人身表語表並不能者諸有苾芻咸應總就
病人處或與病人將入衆中若不爾者作法不成得
別住罪如世尊說諸取欲淨苾芻所有行法我今當
說時此苾芻受欲淨已不急走不踔躡不跳坑不在
欄楯危峻之處于寺中閣道之上不應一步而蹈兩
階不躡兩梯橫不向界外不乘空不睡眠不入定復
有二種鄙事一謂無慙二謂嬾惰如說波羅底木又
時作如是語不來諸苾芻說欲及清淨其持欲淨者
應對比座或就別人作如是說大德存念于某房中
苾芻某甲身嬰病苦今僧伽十四日爲衰灑陀彼苾
芻某甲亦十四日爲衰灑陀彼苾芻某甲自陳遍淨
無諸障法爲病患因緣故如法僧事與欲清淨彼所
陳事我今具說若更有餘緣隨時稱說若不爾者作
法不成得別治罪具壽鄖波離請世尊曰大德其持
欲淨苾芻既受欲淨已便卽命終成持欲淨不佛言
不成應更取欲大德其持欲淨苾芻若自言我是求

寂或云我是俗人或云是別住人此並成持欲淨不
佛言不成持欲淨若在路或至衆中其持欲淨者忽
然身死成持欲淨不佛言不成應更取欲諸與欲淨
苾芻授受之式如是應知于中別者若干作袞灑陀
應云與欲清淨若非袞灑陀自餘羯磨等但與其欲
不須清淨若二俱作欲淨皆與具壽邬波離請世尊
曰大德如有住處唯一苾芻獨身居止至長淨日此
欲如何佛言若至長淨時于一閑靜處以新瞿摩塗
拭灑掃敷座席鳴捷椎作前方便竟自誦少多經次
向高迥處四顧觀望若見有苾芻來旣慰問已告言
具壽今日僧伽長淨仁可共來一處爲長淨事若無
來者時此苾芻應居本座心念口言作如是說今十
四日僧伽長淨我苾芻某甲于十四日亦爲長淨我
苾芻某甲于諸障法自陳遍淨我今且爲守持長淨
若干後時遇和合衆而爲長淨滿諸戒聚故第二第
三亦如是說若一住處有二苾芻至長淨時並悉同
前次第作已然須對首更互作法若一住處有三苾
芻還復同前更互作法若一住處滿四苾芻者應可
如法爲長淨事不合取欲淨若一住處有五苾芻或
復過此應可如法廣爲長淨若有因緣聽一人與欲

10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

10 9 8 7 6 5 4 3 2 1

律

大本論一七九部卷一辨別定三

三

北和

淨如十五日袞灑陀時若苾芻憶所犯罪應可共餘
清淨苾芻如法悔除罪已方爲長淨又十五日袞灑
陀時若苾芻于罪有疑此苾芻應向解三藏苾芻處
問請除疑罪如法說悔方爲長淨又十五日袞灑陀
時若苾芻于其衆中憶所犯罪時此苾芻應于其罪
且心念守持云今僧伽十五日爲長淨我苾芻某甲
亦十五日爲長淨我苾芻某甲今于衆中憶所犯罪
我某甲于所犯罪自心守持若僧伽長淨已後對清
淨苾芻我當如法說除其罪又十五日袞灑陀時若
苾芻在于衆中于所犯罪心懷疑惑時此苾芻應于

其罪且爲心念守持云今僧伽十五日爲長淨我苾
芻某甲亦十五日爲長淨我某甲憶所犯罪心有疑
惑我某甲于此疑罪自心守持僧伽長淨已後向解
三藏苾芻處問請決疑罪我當如法悔除若說別解
脫戒經苾芻在于座上憶所犯罪及已疑罪同前次
第自心念守持後對清淨苾芻當如法說罪

根本說一切有部百一羯磨卷第三

音釋

柵 楚格切編 釘 櫛 釘去聲 櫛 林切
木爲欄也 其月切 枯 木槿也 音押
蹠

19
18
17
16
15
14
13
12
11
10
9
8
7
6
5
4
3
2
1

律

利本說一以有音旨一辨廢卷第三

卷六

卷之三

七

隋氏

切

卷之三

鄭
賦

跋
蹠

也

足

越
山

也

卷四

正
記

此也

1

卷

切

木

郊本義一時有陪百一釋御卷三
某自心念布卦外縱青牛故當吸走其氣
張其辭亦發布于地上厭視其罪又占其罪同前大
抵其某甲占出其罪自心忘者皆謂是甲占曰爻向轉
終其甲本占正日無浸也某甲意視其罪心有悞
其果直為心念布卦云今曾喚十五日為是猶然故

根本說一切有部百一羯磨卷第四

唐三藏法師義淨奉制譯

衰灑陀一切僧伽有罪單白
若十五日衰灑陀時一切僧伽悉皆有犯然無一人能向餘住處對清淨苾芻如法說悔可令我等對彼苾芻如法悔除其罪一切僧伽但爲單白羯磨而作長淨後向餘住處當說其罪次作單白應如是作大德僧伽聽今僧伽十五日作衰灑陀於此住處一切僧伽悉皆有犯然無一人能向餘住處對清淨苾芻如法說悔若僧伽時說除其罪可令僧伽對彼苾芻如法說悔

10123456789

20123456789

30123456789

40123456789

至聽者僧伽應許僧伽今作單白羯磨爲袞灑陀後向餘住處當如法除罪白如是作斯事已方爲長淨不應廢闕若不爾者得越法罪若十五日袞灑陀時一切僧伽於罪有疑然無一人能向餘住處就解三藏苾芻請決疑罪可令我等對彼苾芻決除疑罪一切僧伽但作單白羯磨爲袞灑陀後向餘住處請除疑已當如法除罪應如是作大德僧伽聽今僧伽十五日爲袞灑陀於此住處一切僧伽於罪有疑然無一人能向餘住處就解三藏苾芻請決疑罪可令僧伽對彼苾芻決除其罪若僧伽時至聽者僧伽應許

僧伽今作單白羯磨爲袞灑陀後向餘住處請決疑已當如法除罪白如是作單白已方爲長淨若不爾者得越法罪具壽邬波離請世尊曰大德有苾芻犯罪頗得對有犯罪人說悔罪不佛言不合若如是者對何人說悔佛言對非同分者說除其罪大德云何同分罪云何非同分罪佛言波羅市迦望波羅市迦爲同分望餘非同分僧伽伐尸沙望僧伽伐尸沙爲同分望餘非同分波逸底迦乃至突色訖里多準上應知

袞灑陀單白

若諸苾芻有犯罪者至袞灑陀時既作如上法已應說波羅底木又戒經既說序已應作單白羯磨應如是作大德僧伽聽今僧伽黑月十四日作袞灑陀若僧伽時至聽者僧伽應許僧伽今作袞灑陀說波羅底木又戒經白如是次應說戒上來是大僧作法若
有苾芻尼作法準事

爲因人同會底木叉戒經白如是次應說戒上來是大僧作法若
有苾芻尼作法準事

卷之三

袞灑陀時不來白二二

發不能與欲不堪扶輿僧伽今與作病患羯磨令眾無犯若僧伽時至聽者僧伽應許僧伽今與苾芻某甲病患羯磨白如是羯磨準白成

差分臥具人白二

如世尊說汝諸苾芻至五月十六日應夏安居時諸
苾芻不知云何作夏安居佛言欲至安居日預分房
舍僧伽所有臥具諸坐枯等下至洗足盆並須將集
悉皆均分諸苾芻等不知何人應分佛言分臥具等
有十二種人具五法者應差若無五法未差不應差
已差應捨云何爲五有愛恚怖礙有臥具分與不分

10 9 8 7 6 5 4 3 2 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6

律

相本記一七種吉薩一辨磨差第

三

北和

不能辨了其十二種人若翻前五未差應差已差不應捨作前方便如是應差次應問言汝某甲能爲夏安居僧伽作分臥具苾芻不彼答言能令一苾芻作白二羯磨差大德僧伽聽此苾芻某甲能爲夏安居僧伽作分臥具人若僧伽時至聽者僧伽應許僧伽今差某甲爲夏安居僧伽作分臥具人白如是大德僧伽聽此苾芻某甲能爲夏安居僧伽作分臥具人僧伽今差此苾芻某甲爲夏安居僧伽作分臥具人若諸具壽聽差此苾芻某甲爲夏安居僧伽作分臥具人者默然若不許者說僧伽已聽差此苾芻某甲

爲夏安居僧伽作分臥具人竟僧伽已聽許由其默然故我今如是持

差藏衣人白二

大德僧伽聽此苾芻某甲能與僧伽作掌衣物人若僧伽時至聽者僧伽應許僧伽今差此苾芻某甲作掌衣物人白如是羯磨準成

差分衣人白二

大德僧伽聽此苾芻某甲能與僧伽作分衣人若僧伽時至聽者僧伽應許僧伽今差此苾芻某甲作分衣人白如是羯磨準成

律

相本記一七種吉薩一辨磨差第

四

南和

889

10

20

12345678930

123456

卷二
行
大藏器物人白二

大德僧伽聽此苾芻某甲能與僧伽作藏器物人若僧伽時至聽者僧伽應許僧伽今差苾芻某甲作藏器物人白如是羯磨準白成餘八羯磨準事成也至五月十五日授事苾芻所有行法我今當說授事人應掃塗房舍令清淨已應告白言諸大德明日僧伽作夏安居所有諸事咸應思念其授事人看人多少可爲辦籌其籌不得麤惡曲捩以香水洗香泥塗拭安淨槃中鮮華覆上以淨物覆之鳴犍椎集大衆籌槃安上座

前次宣告僧伽安居制令如律廣明次後上座應作

單白

一切僧伽夏安居日單白
大德僧伽聽今僧伽十五日欲作夏安居若僧伽時至聽者僧伽應許僧伽今日受籌明日安居白如是其授事苾芻檠籌槃在前收籌者持空槃隨後大師教主先下一籌次向上座前住上座離本座蹲踞會掌受取其籌然後置空槃上如是至末若有求寂阿遮利耶或鄖波馱耶代受取籌次下護寺天神籌既總行已應數其籌白大衆言於此住處現受籌者苾芻有爾許求寂爾許又分房舍人乃至半月檢閱房

舍受用軌儀不如法者治罰之式如律廣明至十五日衆和集時其授事人應爲告白諸具壽今此住處有爾許人明日當依某甲施主依某村坊爲乞食處以某甲爲給侍人某甲爲瞻病人應作安居諸苾芻衆應檢行隣近村坊乞食之處既觀察已各自念言我於此處堪作安居及同梵行者令憂惱不生設復生時速能除滅所有歡樂未生令生已生者勸令增進我當於此巡行之處隣近村坊乞食不生勞苦若我病患有供侍人給我醫藥諸有所須皆悉充濟作是念已應向屏處蹲踞合掌作如是說具壽存念今

僧伽五月十六日作夏安居我苾芻某甲亦於五月十六日作夏安居我苾芻某甲於此住處界內前三月夏安居以某甲爲施主某甲爲營事人某甲爲瞻病人於此住處乃至若有圯裂穿壞當修補之我於今夏在此安居第二第三亦如是說所對苾芻應云奧筭迦說安居者答云娑度苾芻兩衆咸對苾芻說苾芻尼三衆並對苾芻尼說又答言汝今一苾芻差看檢房舍人白二時諸苾芻旣至夏中於寺房廊多有諸鳥養鵠兒卵遂生喧噪以緣白佛佛言應差執竿杖苾芻巡寺檢

10 9 8 7 6 5 4 3 2 1

律
卷一

律記卷一七
第一期第4號

二

北和

察巢無兒卵應可除棄有者待去方除復多蜂窠佛言觀察無兒應棄必有蜂兒將線縷繫由此緣故便不增長如是應差鳴捷椎衆集已應先問言汝某甲能爲僧伽作看檢房舍人不彼答言能令一苾芻作白羯磨大德僧伽聽此苾芻某甲能爲僧伽作看檢房舍人若僧伽時至聽者僧伽應許僧伽今差此苾芻某甲作看檢房舍人白如是羯磨準白成既被差已看檢房舍苾芻應半月半月巡行房舍觀其臥具若有苾芻將疎薄垢膩破碎之物用替僧祇臥具覲席者若是老宿白大衆知奪其臥具若是少年應白

二師方收臥具其授事人如我所說不依行者得越法罪此應番次差作具壽邬波離請世尊曰大德如世尊說應作安居諸苾芻衆不知誰合安居佛言謂出家五衆何者爲五一者苾芻二者苾芻尼三者正學女四者求寂男五者求寂女此之五衆合作安居如有違者皆得惡作罪

受日出界外白二

爾時具壽邬波離請世尊曰大德如世尊說夏安居苾芻不應界外輒爲止宿者諸苾芻衆於其界外有三寶事及別人事須出界外即便不敢出界白佛佛

言必有因緣我今聽諸苾芻守持七日法出界外時
諸苾芻不知是何等事佛言謂三寶事鄖波索迦事
鄖波斯迦事苾芻苾芻尼事式又摩拏求寂男求寂
女事或是親眷請喚因緣或爲外道除去惡見或於
三藏請他除疑或於自行未得令得未證令證未解
令解斯等皆應守持七日出界外具壽鄖波離請世
尊曰大德如向所說應守持七日法出界行者於誰
邊守持佛言隨時對一苾芻蹲踞合掌作如是說具
壽存念我苾芻某甲於此住處或前或後三月夏安
居我苾芻某甲爲某事因緣故守持七日出界外若
無難緣還來此處我於今夏在此安居第二第三亦
如是說所對之人應云奧筭迦守持日者答言娑度
爾時憍薩羅國勝光大王與給孤獨長者久在邊隅
爲有防固時此長者思念聖衆便啓王知王卽令使
勅留守臣曰在彼聖衆卿勿與教方便請來與吾相
見是時大臣遂懷密計令諸聖衆自詣王軍是時大
臣至逝多園以繩紝絡諸苾芻衆問言賢首汝何所
作答言聖者大王有勅今欲於此穿渠泄水其事廣說如日
苾芻問曰今日欲去可得還不答言不得二日三日

得迦第五
卷中具述

10 9 8 7 6 5 4 3 2 1

卷

大德僧伽一七有部百一經摩訶羅第四

八

北和

乃至七日頗得還不答言不得時諸苾芻以緣白佛
佛言有大衆事我聽苾芻守持四十夜出界外如世
尊說守持四十夜出界行者諸苾芻不知云何守持
佛言先敷座席鳴捷椎衆既集已應可問能汝某甲
能爲僧伽守持四十夜出界外行不彼應答言我能
若二人多人並如是問次一苾芻先作白方爲羯磨
大德僧伽聽此苾芻某甲於此住處界內或前或後
三月夏安居此苾芻某甲今欲守持齊四十夜爲僧
伽事故出界外此人今夏在此安居若僧伽時至聽
者僧伽應許僧伽今與此苾芻某甲守持四十夜爲
僧伽事故出界外此人今夏在此安居白如是大德
僧伽聽此苾芻某甲於此住處界內或前或後三月
夏安居此苾芻某甲今欲守持齊四十夜爲僧伽事
故出界外此人今夏在此安居僧伽今與此苾芻某
甲守持四十夜爲僧伽事故出界外此人今夏在此
安居若諸具壽聽與此苾芻某甲守持四十夜爲僧
伽事故出界外此人今夏在此安居者默然若不許
者說僧伽已與此苾芻某甲守持四十夜爲僧伽事
故出界外此人今夏在此安居竟僧伽已聽許由其
默然故我今如是持具壽鄖波離請世尊曰如爲二

人三人作羯磨時當云何作佛言隨名牒作律毗婆沙中作如是說得羯磨已更對一苾芻蹲踞合掌作如是說具壽存念我苾芻某甲於此住處或前或後三月夏安居我苾芻某甲僧伽已許守持四十夜出界外我某甲今守持四十夜爲僧伽事故出界外我今夏在此安居第二第三亦如是說具壽鄖波離請世尊曰大德頗合守持一日夜不佛言得如是頗得守持兩夜三夜乃至四十夜不佛言得大德頗得守持過四十夜不佛言不合若如是者有何過失佛言一夏之中應多居界內少在界外大德守持一夜二夜三夜乃至七夜對誰作法佛言應對一人若過七夜已去當云何作佛言過七夜已去乃至四十夜並從僧伽而秉其法隨有事至準其多少量緣受日如世尊說若於乞食病藥所須及看病人有廢闕者聽隨情去若有女男半擇迦爲礙緣者亦不應居若有一八難事有緣出界外逢此難時不還者不名失夏以有障緣故斯等諸文安居事中廣明差作隨意人白二

如世尊說夏安居已汝諸苾芻應於衆中以三事見聞疑而爲隨意時諸苾芻不知云何作隨意事佛言

789101234567892012345678930123456789

汝等苾芻去隨意日有七八日在當於隨近村坊預爲宣告或可言陳或書紙葉在輞車上高聲告語令遠近咸知仁等苾芻苾芻尼及求寂等諸施主輩若老若少悉可諦聽某寺僧伽當作隨意仁等至時於供養事咸共修營諸少年苾芻應共掃灑所居寺宇以新瞿摩可淨塗拭制底香臺並爲莊校諸舊住人應可營造諸好美膳隨時供設有解三藏苾芻及持經者至十四日夜應通宵誦經至十五日宜可知時作隨意事勿過明相大衆許已差隨意苾芻或一或二乃至衆多受隨意苾芻要具五德不愛不恚不怖

不癡隨意非隨意善能了別具斯五法未差應差已差不應捨若翻前五未差不應差已差應捨如是應差作前方便衆旣集已先應問能汝某甲頗能爲夏坐僧伽以三事見聞疑而爲隨意不彼答言能次一苾芻應先作白方爲羯磨大德僧伽聽此苾芻某甲今爲夏坐僧伽作隨意苾芻若僧伽時至聽者僧伽應許僧伽今差某甲當爲夏坐僧伽作隨意苾芻白如是大德僧伽聽此苾芻某甲今爲夏坐僧伽作隨意苾芻僧伽今差某甲當爲夏坐僧伽作隨意苾芻若諸具壽聽某甲當爲夏坐僧伽作隨意苾芻者默

然若不許者說僧伽已聽某甲當爲夏坐僧伽作隨意苾芻竟僧伽已聽許由其默然故我今如是持如世尊說作隨意苾芻所有行法我今當說受隨意苾芻應行生茅與僧伽爲座若一人爲受隨意者應從上座爲隨意乃至下座若二人者一從上座受隨意一人從半已下至終若差三人者從三處起唯義可知諸苾芻等並居茅座蹲踞而住次後上座應爲單白大德僧伽聽今僧伽十五日作隨意事若僧伽時至聽者僧伽應許僧伽今作隨意白如是其受隨意苾芻向上座前蹲踞而住上座應就茅座蹲踞合掌

作如是說具壽存念今僧伽十五日作隨意我苾芻某甲亦十五日作隨意我苾芻某甲對僧伽向大德以三事見聞疑作隨意事大德僧伽攝受敎示我饒益哀愍我是能愍者願哀愍故若知見罪我當如法如律而爲說悔第二第三亦如是說隨意苾芻應報彼曰奧單迦答云娑度如是次第乃至行終若二人三人應可更互爲隨意事作法準知作法既了次喚苾芻尼衆令入衆中隨意苾芻在一邊坐尼至其所如大苾芻作隨意法次喚式又摩拏求寂男求寂女一一對受隨意作法同前如其不能誦得文者紙抄書讀之亦成其法

受隨意苾芻向上座前立作如是言大德諸姊妹二部僧伽已作隨意竟二部僧伽並應唱言善哉已作隨意極善已作隨意唱者善如不唱者得惡作罪若至此時出家五衆或兼俗侶各以刀子針線及巾帛等共爲解夏供養現前衆其受隨意苾芻應持小刀子或將針線或持諸雜沙門資具等在上座前立作如是言大德此等之物頗得與安居竟人作隨意施不若於此處更得諸餘利物和合僧伽應合分不舉衆同時答云合分若異此者隨意苾芻及大衆得越法罪具壽鄖波離請世尊曰大德至隨意日有病苾

芻不能赴集此欲如何佛言如十五日袞灑陀時應與欲淨至隨意時準長淨法與其欲淨應如是說具壽存念今僧伽十五日作隨意我苾芻某甲亦十五日作隨意我苾芻某甲自陳遍淨無諸障法爲病患因緣故彼如法僧事我今清淨與欲隨意此所陳事當爲我說第二第三亦如是說餘如身語表業準長淨法應知如長淨時苾芻憶所犯罪或有疑罪衆中憶所犯罪或有疑罪或復僧伽咸悉有罪乃至疑罪應作單白守持於隨意時有罪疑罪類彼應知此中別者隨意苾芻衆中憶罪或是疑罪隨時說悔

作隨意時衆中諍罪單白

若作隨意時衆因論說罪之輕重諍事紛紜僧伽應作單白共決其罪如是應作大德僧伽聽今僧伽十五日作隨意事於此衆中有諍事起論說輕重妨廢法事僧伽今欲求決其罪若僧伽時至聽者僧伽應許僧伽今共斷其罪白如是

作隨意時衆中次定罪單白

既作白已當問三藏能決斷者依法依律決其罪事若決定已應更作白告衆令知罪已決定識其輕重不應更說如是應作大德僧伽聽今僧伽十五日作

隨意事因論說罪之輕重妨廢法事僧伽今已於罪如法決斷若僧伽時至聽者僧伽應許僧伽今共決罪訖更不得言白如是又如一人二人三人作袞灑陀隨意亦爾一人二人三人四人咸皆對首應作若滿五人卽應作白爲隨意事作隨意者應差許可設有病人應將入衆如有六人或復過此咸作單白爲隨意事作隨意時若有病人應取欲淨不對俗人求寂半擇迦等並須清淨復須同見一處應作然我不許不爲隨意時諸苾芻先因鬪諍共相論說各懷嫌恨共在一處而作隨意佛言不應怨嫌未息共爲隨

意先可懺摩後當作法時彼苾芻於大衆中而求懺
摩鬪諍苾芻有不肯容恕佛言去隨意時有七八日
在應須更互而求懺摩方爲隨意是時僧伽咸相媿
謝婆羅門衆及諸俗侶便生譏議但是苾芻皆有讎
隙佛言有嫌恨者請求媿謝既容恕已隨年禮敬晨
轉懷歡方爲隨意無嫌隙者無勞致謝時諸苾芻既
隨意已卽於此日更爲長淨佛言隨意卽是清淨無
勞說戒

處分衣物將作羯恥那衣白二

時有衆多苾芻夏安居了隨意事竟詣逝多林禮世

尊足路逢天雨三衣皆溼擎持極難至逝多林安置
衣鉢洗足已禮世尊足佛言住上安樂乞食易不白
言大德我等疲頓來至於此佛作是念我今云何令
諸苾芻得安樂住并諸施主福利增長應聽諸苾芻
隨意竟至十六日張羯恥那衣張此衣時於五月中
得十饒益凡於其處所得利物取一好者作羯恥那
衣至八月十四日白衆令知敷座席作前方便準上
應爲令一苾芻作白羯磨大德僧伽聽此衣是此處
夏安居僧伽所獲利物僧伽今共將此衣作羯恥那
此衣當爲僧伽張作羯恥那若張衣已雖出界外所

7891011234567892012345678930123456

律

卷一百一十五 第四

有三衣尚無離過何況餘衣若僧伽時至聽者僧伽應許僧伽今將此衣當爲僧伽張作羯恥那若張衣已雖出界外所有三衣尚無離過何況餘衣白如是羯磨準白成

差張羯恥那衣人白二

時諸苾芻旣作法已將此衣財作羯恥那衣竟白佛佛言差一苾芻具五德者作張衣人鳴犍椎作前方便衆旣集已先應問言汝某甲能爲僧伽作張羯恥那衣不彼答言能令一苾芻作白羯磨大德僧伽聽此苾芻某甲樂作張羯恥那衣人今爲僧伽張羯恥

那衣若僧伽時至聽者僧伽應許僧伽今差某甲苾芻作張羯恥那人此某甲當爲僧伽張羯恥那衣白如是大德僧伽聽此苾芻某甲樂作張羯恥那人今爲僧伽張羯恥那衣今僧伽差此苾芻某甲作張羯恥那人此某甲當爲僧伽張羯恥那若諸具壽聽差某甲作張羯恥那人此某甲當爲僧伽張羯恥那人默然若不許者說僧伽已聽此某甲作張羯恥那人此某甲當爲僧伽作張羯恥那人竟僧伽已聽許由其默然故我今如是持付張羯恥那衣白二

889101234567892012345678930123456

次作白二羯磨後持衣付張衣人如是應作大德僧伽聽此衣當爲僧伽作羯恥那衣此苾芻某甲僧伽已差作張衣人若僧伽時至聽者僧伽應許僧伽今以此衣作羯恥那付某甲苾芻白如是大德僧伽聽此衣當爲僧伽作羯恥那衣此苾芻某甲僧伽已差作張衣人僧伽今以此衣作羯恥那付某甲苾芻若諸具壽聽將此衣爲僧伽作羯恥那僧伽今以此衣作羯恥那付某甲苾芻者默然若不許者說僧伽已許此衣爲僧伽作羯恥那付某甲苾芻竟僧伽已聽許由其默然故我今如是持

出羯恥那衣單白

時此苾芻旣受衣已應供餘苾芻作浣染縫刺等諸餘軌式如羯恥那衣事中具說時諸苾芻共受羯恥那衣至五月滿不知云何白佛佛言至正月十五日張衣之人白僧伽言諸大德明日當出羯恥那衣仁等各守持白衣旣至明日僧伽盡集作前方便已令一苾芻作單白羯磨如是應作大德僧伽聽於此住處和合僧伽共張羯恥那衣若僧伽時至聽者僧伽應許僧伽今共出羯恥那衣白如是時諸苾芻旣出衣已不知云何白佛佛言汝諸苾芻張衣之時得十

律

法本訥 七言古巨難唐卷第四

十七

北和

饒益衣既出已此事應遮違者得罪

根本說一切有部百一羯磨卷第四

音釋

圮裂

圯符鄙切毀也
裂良薛切破也
絳絡耕必耕切
絡盧各切

泄私列切明

車

輞蒲庚切
輞車也

讎隙讎音酬仇也
隙丘逆切怨也

和四

根本說一切有部百一羯磨卷第五

唐三藏法師義淨奉制譯

五年同利養別說戒白二

具壽鄖波離請世尊曰大德于某聚落有一長者造一住處諸事具足捨與四方僧伽是時長者被王拘執苾芻答言我聞長者被官拘執心生惶怖且向他去長者得脫知寺被賊白言聖者以何緣故棄寺他方長者曰我有宗親彼能供給何事忽遽諸苾芻不知云何白佛佛言問彼宗親能供給者善若不能者

諸苾芻作白二羯磨應共隨近寺于五年中同一利養別爲長淨先報彼寺知已敷座席作前方便乃至令一苾芻作白羯磨大德僧伽聽今此住處造寺施主某甲今爲王拘執若僧伽時至聽者僧伽應許僧伽今此住處與某住處于五年中同一利養別長淨白如是次作羯磨大德僧伽聽今此住處造寺施主某甲爲王拘執僧伽今此住處與某住處于五年中作同一利養別長淨若諸具壽聽此住處與彼住處于五年中同一利養別長淨者默然若不許者說僧伽已聽此住處與彼住處于五年中同一利養別長

淨竟僧伽已聽許由其默然故我今如是持

若有餘事隨緣

告諸俗舍白二

具壽鄖波離請世尊曰大德若苾芻苾芻尼于諸俗家作諸非法令諸俗侶不生敬信廣起譏嫌不知云何佛言汝諸苾芻應差苾芻具五德者往諸俗家說彼二人所行非法如是應差敷座席作前方便已先須問汝某甲能往諸俗家說廣額苾芻松幹苾芻尼所行非法不答言能令一苾芻作白羯磨如是應作大德僧伽聽此苾芻某甲能往俗家說廣額苾芻松

作法
應知

889101234567892012345678930123456

木本記一七有音下一美廣額苾芻尼

北和

幹苾芻尼所行非法若僧伽時至聽者僧伽應許僧
伽今差此苾芻某甲往諸俗家說廣額苾芻松幹苾
芻尼所行非法白如是次作羯磨大德僧伽聽此苾
芻某甲能往俗家說廣額苾芻松幹苾芻尼所行非
法僧伽今差此苾芻某甲往諸俗家說廣額苾芻松
幹苾芻尼所行非法若諸具壽聽差此苾芻某甲往
諸俗家說廣額苾芻松幹苾芻尼所行非法者默然
若不許者說僧伽已聽差此苾芻某甲往諸俗家說
廣額苾芻松幹苾芻尼所行非法竟僧伽已聽許由
其默然故我今如是持

說他麤罪單白

時諸苾芻奉佛教已秉白二法差一苾芻向諸俗家
說彼二人所行非法時廣額苾芻聞此事已詣諸苾
芻所作如是語仁于俗家說我過失耶彼便答言我
得衆法令往俗家說汝過失廣額答言我于汝作
不饒益當破汝腹取汝中腸繞逝多林斬截汝頭懸
寺門上時諸苾芻聞此語已即便白佛佛言彼能欺
別人不能欺衆應作單白合衆議往俗家說彼過失
敷座席作前方便令一苾芻作單白羯磨大德僧伽
聽彼廣額苾芻松幹苾芻尼于諸俗家作諸非法令

諸俗侶不生敬信今無別人能往諸俗家說彼過失僧伽今共往諸俗家說彼二人所行非法應作是語仁等當知彼廣額苾芻松幹苾芻尼虧損聖教自身損壞猶如焦種不復生芽于正法律中不能增長仁等當觀如來應正徧知及阿若憍陳如等諸大苾芻所有行跡若僧伽時至聽者僧伽應許僧伽今共往諸俗家說廣額苾芻松幹苾芻尼所行非法白如是既作白已隨處當說具壽邬波離請世尊曰大德諸苾芻衆爲彼二人作單白法已告諸俗舍竟不知云何以緣白佛佛言令諸俗侶不應供給衣食湯藥一

切所須悉不應與
諫破僧伽白四

具壽邬波離請白世尊曰大德提婆達多爲名利故詣迦攝波所白言大德爲我說神通事時迦攝波不觀彼心爲說神通法時提婆達多得聞法已初夜後夜警策修習于夜後分依世俗道證初靜慮便發神通既得通已便起惡念告四伴曰汝等四人共我破彼沙門喬答摩和合僧伽并破法輪我歿代後獲善名稱流布十方作是說已即便共伴四人欲破和合僧伽并破法輪諸苾芻衆知此事已即便白佛佛言

汝諸苾芻爲作別諫別諫之時堅執不捨云此真實
餘皆虛妄時諸苾芻卽以此緣白佛佛言汝諸苾芻
秉白四羯磨諫彼提婆達多若更有如是流類應如
是諫敷座席作前方便令一苾芻作白羯磨應如是
作大德僧伽聽此天授欲破和合僧伽作鬪諍事非
法而住諸苾芻爲作別諫別諫之時堅執不捨云此
真實餘皆虛妄僧伽今以白四羯磨諫彼天授汝天
授莫破和合僧伽作鬪諍事非法而住汝天授應與
僧伽和合歡喜無諍一心一說如水乳合大師教法
令得光顯安樂而住若僧伽時至聽者僧伽應許僧

伽今作白四羯磨諫彼天授破僧伽事白如是次作
羯磨大德僧伽聽此天授欲破和合僧伽作鬪諍事
非法而住諸苾芻爲作別諫別諫之時堅執不捨云
此真實餘皆虛妄僧伽今以白四羯磨諫彼天授汝
天授莫破和合僧伽作鬪諍事非法而住汝天授應
與僧伽和合歡喜無諍一心一說如水乳合大師教
法令得光顯安樂而住若諸具壽聽與此天授秉白
四羯磨諫破僧伽事者默然若不許者說此是初羯
磨第二第三亦如是說僧伽今以白四羯磨諫彼天
授破僧伽事竟僧伽已聽許由其默然故我今如是

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6

卷一
本末論一
七言詩一
新集第三

三

北和

持

諫助破僧伽白四
時諸苾芻奉佛教已卽秉羯磨諫提婆達多時提婆
達多得羯磨已堅執不捨復有助伴四人一孤迦里
迦二塞茶達驃三羯吒謨洛迦底灑四三沒達羅達
多隨順提婆達多爲破僧伽事諸苾芻卽便白佛佛
言汝諸苾芻應作別諫諫彼四人彼見諫時作如是
語諸大德莫共天授有所論說若好若惡何以故天
授是順法律語彼聞諫時堅執不捨諸苾芻以緣白
佛佛言汝諸苾芻秉白四羯磨諫彼四人應如是諫

敷座席作前方便次令一苾芻作白羯磨應如是作
大德僧伽聽此孤迦里迦塞茶達驃羯吒謨洛迦底
灑三沒達羅達多等知彼天授欲破和合僧伽作鬪
諍事非法而住時此四人隨順天授破僧伽事諸苾
芻爲作別諫別諫之時此孤迦里迦等四人作如是
語諸大德莫共彼天授有所論說若好若惡何以故
彼天授是順法律依法律語知而說非不知說彼愛
樂者我亦愛樂此孤迦里迦等四人堅執不捨云此
是實餘皆虛妄僧伽今以白四羯磨諫此孤迦里迦
等四人助彼天授破僧伽事汝孤迦里迦等四人莫

持

本末論一
七言詩一
新集第三

三

南

7891011234567892012345678930123456789

助彼天授破和合僧伽作鬪諍事非法而住汝孤迦
里迦等四人應與僧伽和合歡喜無諍一心一說如
水乳合大師教法令得光顯安樂而住若僧伽時至
聽者僧伽應許僧伽今以白四羯磨諫此孤迦里迦
等四人助彼天授破僧伽事白如是次作羯磨準白
而爲

與作學家法單白

具壽邬波離請世尊曰大德彼師子長者先事外道
因詣佛所聽受法故于其座下斷諸煩惑證預流果
于三寶所意樂純善深起信心所有資財常樂惠施

以至貧窮俗侶譏嫌諸苾芻不知云何佛言汝諸苾
芻應爲師子長者作學家羯磨遮諸苾芻等莫往其
家敷座席作前方便令一苾芻應作單白大德僧伽
聽彼師子長者信心殷著意樂純善于三寶所現有
資財悉皆惠施諸有求人亦無惜由此因緣衣食
罄盡若僧伽時至聽者僧伽應許僧伽今與師子長
者作學家羯磨白如是旣作法已往者得越法罪
與作捨學家法單白

時諸苾芻衆爲彼長者作學家法已卽不往彼家受
諸飲食時此長者勤力營農未久之間倉庫盈溢倍

勝于前長者既見家業隆盛思見福田同前供養往
詣佛所慰懃啓請佛便聽許教此長者具以其事白
上座知令鳴捷椎集僧伽已于上座前蹲踞合掌作
如是白大德僧伽聽我師子信心殷著意樂純善于
三寶所現有資財常樂惠施諸有求人亦無慳惜由
此因緣衣食罄盡以至貧窮僧伽見已生哀愍心與
我師子作學家法令諸聖衆不入我家我師子今時
倉庫還復豐盈今從僧伽乞解學家法唯願大德僧
伽與我解學家法是能愍者願哀愍故如是三說既
言而已禮衆而去是時僧伽令一人作單白羯磨大

德僧伽聽彼師子長者信心殷著意樂純善于三寶
所現有資財悉皆惠施諸有求人亦無慳惜由此因
緣衣食罄盡僧伽爲彼長者作學家羯磨令諸苾芻
不往其家受諸飲食長者今時衣食還復如故今從
僧伽乞解學家羯磨若僧伽時至聽者僧伽應許僧
伽今與彼長者解學家羯磨白如是時諸苾芻爲彼
長者解學家羯磨已不知云何白佛佛言汝諸苾芻
得往彼家受諸飲食悉皆無犯

觀行踰林白二

具壽鄖波離請世尊曰大德夏安居了日有諸婆羅

門居士以好飲食將獻聖衆令諸使女隨從而行既至半途皆被賊劫時有苾芻於蘭若中欲行乞食行至中路見諸飲食遂令露形使女授食諸女羞恥時婆羅門告苾芻曰於險林處何不令人看守使我送食免被賊劫諸苾芻不知云何佛言以白二羯磨應差苾芻具五法者於險林處而爲看守作前方便準上應知大德僧伽聽此苾芻某甲能向險林怖畏之處於其道路善能觀察若僧伽時至聽者僧伽應許僧伽今差此苾芻某甲於彼險林怖畏之處作觀察人白如是羯磨準白成

授其學法白四

具壽邬波離請世尊曰大德今有苾芻名曰歡喜不捨學處毀於梵行作姪欲事無有一念作覆藏心如毒箭入胸心懷憂感不知云何佛言汝諸苾芻與歡喜苾芻終身學處若更有如是流類悉皆準此鳴捷椎乃至教歡喜苾芻於上座前蹲踞合掌應如是乞大德僧伽聽我歡喜苾芻不捨學處毀於梵行作姪欲事我歡喜苾芻無有一念作覆藏心今從僧伽乞終身學處願大德僧伽與我歡喜終身學處是能愍者願哀愍故如是三說令歡喜苾芻在眼見耳不聞

處住令一苾芻爲作羯磨大德僧伽聽彼歡喜苾芻不捨學處毀于梵行作婬欲事無有一念作覆藏心今從僧伽乞終身學處若僧伽時至聽者僧伽應許僧伽今與歡喜苾芻終身學處白如是大德僧伽聽彼歡喜苾芻不捨學處毀於梵行作婬欲事無有一念作覆藏心今從僧伽乞終身學處僧伽今與歡喜苾芻終身學處若諸具壽聽與歡喜苾芻終身學處者默然若不許者說第二第三亦如是說僧伽已與歡喜苾芻終身學處竟僧伽已聽許由其默然故我今如是持

與實力子衣單白

具壽鄖波離請世尊曰大德苾芻實力子和合僧伽差令分衆臥具及知食次彼有心意樂純善爲衆檢校不辭勞苦所有資生于三寶中悉皆惠施如是施已自己三衣並皆破壞不知云何佛言汝諸苾芻衆應和集作單白法與實力衣如是應作大德僧伽聽彼實力子有敬信心意樂賢善爲衆檢校不辭勞苦所有資具於三寶中悉皆惠施如是施已自己三衣並皆破壞今時僧伽得好白氈共將此氈與實力子作衣若僧伽時至聽者僧伽應許僧伽今將此白

10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

卷

大藏經一七百部子一辨摩第五

北和

毘與實力子作衣白如是佛言汝諸苾芻旣作單白法已應將白毘與實力子勿致疑惑

對面輕毀白四

具壽鄖波離請世尊曰大德苾芻實力子被衆差令分衆臥具及知食次時友地二苾芻積代怨讐業緣未盡此二苾芻對實力子前而爲嫌毀諸苾芻不知云何佛言汝諸苾芻應作羯磨訶責友地二苾芻對面嫌毀實力子若更有餘如是流類應如是與鳴捷惟作前方便令一苾芻作白羯磨應如是作大德僧伽聽此友地二苾芻知和合僧伽差實力子分衆臥

具及知食次此友地二苾芻對實力子前而爲嫌毀若僧伽時至聽者僧伽應許僧伽今訶責友地二苾芻對面嫌毀實力子白如是大德僧伽聽此友地二苾芻知和合僧伽差實力子分衆臥具及知食次此友地二苾芻對實力子前而爲嫌毀僧伽今訶責友地二苾芻對面嫌毀實力子若許具壽聽訶責友地二苾芻對面嫌毀實力子者默然若不許者說第二第三亦如是說僧伽已聽許由其默然故我今如是持毀實力子竟僧伽已聽許由其默然故我今如是持假託輕毀白四

78910111213141516171819201234567893012345678930123456

時諸苾芻奉佛教已與友地二人作訶責羯磨已後於異時彼二人對實力子前不道其名而作嫌毀諸苾芻聞是語已卽便白佛佛言汝等苾芻與友地二人對實力子前假託餘事不道其名而爲嫌毀作訶責羯磨如上應作大德僧伽聽此友地二苾芻知和合僧伽差實力子分衆臥具及知食次此二苾芻對實力子前假託餘事不道其名而爲嫌毀若僧伽時至聽者僧伽應許僧伽今訶責友地二苾芻假託餘事不道其名而爲嫌毀白如是次作羯磨大德僧伽聽此友地二苾芻知和合僧伽差實力子分衆臥具

及知食次此友地二苾芻對實力子前假託餘事不道其名而爲嫌毀僧伽今訶責友地二苾芻假託餘事不道其名而爲嫌毀若諸具壽聽訶責友地二苾芻假託餘事不道其名而爲嫌毀者默然若不許者說第二第三亦如是說僧伽已訶責友地二苾芻假託餘事不道其名而爲嫌毀竟僧伽已聽許由其默然故我今如是持時諸苾芻與友地二人作羯磨已此二苾芻尚猶對面及假託事毀實力子諸苾芻衆白佛佛言得羯磨已若不捨者得波逸底迦於十二種人被衆差者而作嫌毀得罪應知如十二種人雖

10 1 2 3 4 5 6 7 8 9

20

1 2 3 4 5 6 7 8 9

30

1 2 3 4 5 6 7 8 9

被衆差事已停止而嫌毀者得惡作罪爾時具壽億耳從座而起合掌白佛言大德於邊方國有迦多衍那是我鄖波駄耶令我敬禮世尊雙足起居輕利乃至佛言汝諸苾芻行止安樂不大德我親教師謹附五事請問世尊幸願慈悲決斷其事大德於邊方國少有苾芻若受近圓十衆難滿大德若有方國地多堅鞚牛跡成鏘得著皮鞋不若數洗浴處得多洗不復有邊國用牛羊皮及鹿皮等以爲臥具頗得用不有苾芻寄衣與彼苾芻未至身亡衣便不達過十日已誰得泥薩祇耶佛言我聽邊國解毗奈耶爲第五

人得受近圓地堅鞚處聽著一重皮鞋非二三重若旃穿者應可補替多洗浴處隨意當洗用皮臥具處隨意應用又此苾芻寄衣與彼未達身亡無其捨罪具壽鄖波離請世尊曰如世尊說邊方之國解毗奈耶爲第五人得受近圓大德齊何爲邊國佛言東方有國名奔茶跋達那城東不遠有娑羅樹名奔茶各又此謂東邊自茲已去名爲邊國南方有城名攝跋羅伐底城南有河名攝跋羅伐底此謂南邊自茲已去名爲邊國西方有村名窣吐奴鄖波窣吐奴二村俱是婆羅門處此謂西邊自茲已去名爲邊國北方

10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36

行

利本說一切有部一類廣卷五

十三

北和

有山名喰尸羅祇利此謂北邊自茲已去名爲邊國

梗槩大數中間遠近東西兩界三百餘驛南北二邊
 四百餘驛雖非目擊詳而問知然東界南四十驛許
 到耽摩立底國寺有五六所時人殷富統屬東天此
 去莫訶菩提及室利那闍陀寺有六十許驛即是昇
 船入海歸唐之處從斯兩月汎舶東南到鵝茶國此
 屬佛逝舶到之時當正二月若向師子洲西南進舶
 傳有七百驛停此至冬汎舶南止一月許到末羅逝
 洲今爲佛逝多國矣亦以正二月而達停至夏半汎
 舶北行可一月餘便達廣府經停向當年半矣若有
 福力扶持所在則樂如行市如其宿因業薄到處實
 危若傾巢因序四邊畧言還路冀通識者暫廣知聞
 又南侮諸州咸多敬倍人王國主崇福爲懷此佛逝
 郭下僧衆千餘學問爲懷並多行鉢所有尋讀乃與
 中國不殊沙門軌儀悉皆無別若共唐僧欲向西方
 爲聽讀者停斯一二載習其法式方進中天亦是佳也

具壽鄖波離請世尊曰

大德如世尊說若苾芻得俗人曾著皮鞋應受用者

大德未審何者是俗人曾著皮鞋佛言但今俗人著
 行七八步斯卽名爲曾受用物若得未曾受用皮鞋
 複屢及新作者此如何用佛言此應持與可信俗人
 報云此是汝物彼爲已想遂著皮鞋行七八步可擊
 鞋履至苾芻所白言聖者此是我物願見哀愍隨意
 受用具壽鄖波離請世尊曰大德如世尊說寒雪諸
 國許畜富羅未知何者是寒雪國佛言有霜雪處水
 器成凌者是如世尊說有四種藥應受用者云何爲
 四一時藥二更藥三七日藥四盡壽藥時諸苾芻未
 識其體佛言時藥者謂是五種珂但尼譯爲五嚼食
即是根莖華

10 9 8 7 6 5 4 3 2 1

看

卷之二十一

十四

北和

葉果意取

咬嚼爲義

五種蕕膳尼

譯爲五噉食卽是

餅肉與餅此中意取舍噉爲

名舊云奢耶尼者遍

檢梵本全無此名

阿說他子漿

言更藥者謂八種漿一招者漿

醉似梅狀

二毛者漿

卽熟芭蕉子是

三孤落迦漿

似酸棗四

阿說他子漿

菩提樹子是

五烏曇跋羅漿

其果狀如李子六鉢嚧

灑漿

其果狀如

七蔑粟墜漿

是蒲萄八渴樹羅漿形如小棗

澀而且甜

出波斯國中方亦有其味稍殊

其樹獨生狀如梭櫛其果多有漿至番禺時人名爲波斯棗其

味頗與乾柿相似也

言七日藥者謂是酥油糖蜜也

言盡壽藥

者謂根莖葉華果藥

卽是凡爲草木藥物

及五種鹽

不過於此便是總攝諸藥品類斯終矣

服者謂時非時自有強

廣如餘處此中時藥更藥并七日藥及盡壽藥下之

三藥若與時藥相和者時中應服必若過時便不合

食下之二藥與更藥相和者齊更應服下之一藥與

七日藥相雜者齊七日應用

舊云四藥相和從強而

弱不據多少有云麴與薑相和

服者謂時非時自有強

多時敢薑多非時者皆應臆斷也

其盡壽藥若欲守

持長服者如是應作先淨洗手受取其藥對一苾芻

蹲踞合掌作如是說具壽存念我苾芻某甲有此病

忠此清淨藥我今守持至盡壽求自服及同梵行者

第二第三亦如是說七日更藥準上守持其更藥者

盡日應飲如其至夜但齊初更

律教一夜分爲三節初之十分各曰初更

過斯不應飲用若唯五更當半

舊云非時者非正譯也

凡是三藥欲守持時

必在中前斯爲定制

問下之三藥如守持已分局分

明必不守持齊何應用答此之

10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6 7 8 9 30 1 2 3 4 5 6

三藥若其中前受已過午便不合食過午受之初更得食同更藥也又此四藥既自受已自分未過彼未具者觸隨可更受而服如過自限若觸不觸不宜須棄又問如其三藥先守持已未具輒觸更得用不答本意守持爲妨自取他既觸已法則便亡理可棄之無宜復用必其貧者開換施人決意與他施還受取義同新得耳

觀造小房地白二
具壽迦攝波請世尊曰大德有諸苾芻惱他施主數
數乞求廣修房舍既營造已或嫌長短或嫌闊狹不知云何以事白佛佛言彼造房苾芻應從僧伽乞觀
房地三處清淨者聽造云何爲三一是應法淨處二是無諍競處三有進趣處云何長短闊狹佛言長佛

十二張手廣七張手此是其量彼造房苾芻鳴捷惟
準上作前方便乃至蹲踞合掌作如是白大德僧伽
聽我營作苾芻某甲於某處地觀察清淨無諸妨難
欲造小房唯願大德僧伽聽我營作苾芻某甲於清
淨處造小房是能愍者願哀愍故如是三說次令可
信二三苾芻或僧伽共往觀察無諸妨難三處清淨
者聽造既觀察已還至衆中如前方便作如是白大
德僧伽聽彼營作苾芻某甲造小房地我某甲等親
往觀察三處清淨無諸妨難願大德僧伽聽彼營作
苾芻某甲造小房衆既知已次作羯磨大德僧伽聽

此營作苾芻某甲於某處地衆觀清淨無諸妨難悉皆應法今從僧伽乞造小房若僧伽時至聽者僧伽應許僧伽今聽此營作苾芻某甲於彼清淨無妨難處欲作小房白如是次作羯磨準白應爲
觀造大寺地白二
佛在橋閃毗瞿師羅園六衆苾芻廣乞財物復伐形勝大樹造大住處多損生命令諸俗侶不生敬信時諸苾芻以事白佛佛言彼造大住處苾芻應從僧伽乞觀其地三處清淨無諸妨難衆觀察已三處清淨者聽造住處餘有乞法如前小房次作羯磨大德僧

伽聽此營作苾芻某甲欲爲僧伽造大住處於造住處地衆觀清淨無諸妨難悉皆應法今從僧伽乞造大住處若僧伽時至聽者僧伽應許僧伽今聽彼營作苾芻某甲於彼清淨無妨難處造大住處白如是次作羯磨準白成

與營作苾芻六年敷具白二

若營作苾芻臥具破碎於六年內欲造新者鳴捷椎衆集已其人在上座前蹲踞合掌作如是乞大德僧伽聽我苾芻某甲於六年內欲更作新敷具願大德僧伽聽我苾芻某甲於六年內更作新敷具是能愍

1 2 3 4 5 6 7 8 9 10 11 12 13 14 15 16 17 18 19 20 1 2 3 4 5 6 7 8 9 30 1 2 3 4 5 6

者願哀愍故第二第三亦如是說次作羯磨大德僧伽聽此營作苾芻某甲於六年內乞作新敷具若僧伽時至聽者僧伽應許僧伽今與營作苾芻某甲六年作新敷具白如是羯磨準白成

根本說一切有部百一羯磨卷第五

音釋

忽遽 忽倉紅切速也
遽其據切急也

褰茶 褫去乾切
荼同都切

驃毗妙 驃叱切

吒謨 吒竹家切
謨莫胡切

鞞 鞍魚孟切

鏘 七羊骨音

嗰 烏音

履 句音

蒱膳 蒴蒲音

蒲膳 蒴莫胡切
膳時

𢂔 尺小𢂔

𢂔 莫於盈切

櫻櫛 櫻子紅切
櫛力居切

三、甲三